



河南府志

命... 天子... 命... 天子... 命... 天子...

河南府志卷之一百九
金石志四
周寅墓銘 佚 考古圖銘曰有進後秀邦人正之...
有故西馭服即汝...
人服至曰寅微明乃心用辟我一人善故乃友內辟勿事
越處從獄受雜且行道乃非正命乃故疾識人則惟輔天
降喪不亡惟死錫汝和慰一向乃荒帶赤湯錫軒衣...

金石四 復師 聖縣 孟津 宜陽

ル 5
1546
25

明
1076
25

1546
25

金石錄

金石志四

金石四 偃師 鞏縣 孟津 宜陽

周寅簋銘 佚 考古圖 銘曰有進後雩邦人正之師氏人有臯

有故西馭服卽汝 繇宿卑復虐逐乃君乃師乃作予一
人服王曰寅敬明乃心用辟我一人善故乃友內辟勿事
醜虐從獄受雜且行道乃非正命乃故疾譏人則惟輔天
降喪不亡惟死錫汝秬鬯一卣乃芹芻赤湯醵軒朱輦華
號卮整虎冕練裏畫輔畫輦爵金甬馬四匹鑿勤敬夙夕
勿廢朕命寅拜稽首揚天子丕顯魯休用作寶簋叔邦父

叔故萬年子子孫孫永寶用

按偃師尸鄉春秋尸氏也水經注以為王莽所謂師氏莽意欲反古尸氏師氏古得通稱如寅簋銘所謂師氏人者蓋即偃師人也文紀廢一作法故一作姑徐云此文前段皆訓誥體寅者司法之臣故以慎法訓之如穆王訓呂侯之類而寅因述以銘諸簋也中間字有難解處

周劉公鋪銘

佚

考古圖

銘曰劉公作杜孀尊鋪永寶用

按周靈王時有劉定公景王時有劉獻公此云劉公未審為誰偃師有劉亭乃劉公采地也博古圖劉公作是器追享杜孀今亦未見追享之意廣川書跋有杜孀鋪云禮器無鋪古者陳獸謂鋪以金飾物亦謂之鋪說者以其形制類豆疑古又有此器余考簋从甫自古文如此然其以金為之或從金此不足怪也或曰簋稻梁器也漢人釋禮經方曰簋圓曰簠簠內圓外方簋內方外圓余竊疑漢人不知何所據古器存於今者簋不圓則簋不方可知矣今日鋪尊則以簋為尊受飯為簋受飲為尊以受飯之制為飲之制器則其制固宜異矣

漢何比干銅盤銘

佚

明一統志

銘在偃師唐開元中縣人耕

地得銅盤篆文奇古曰右林左泉後岡前道萬世之藏茲

焉是寶

楊升菴金石古文

比干墓銅盤銘右林左泉後

岡前道萬世之靈茲焉是寶

郭增伯金石史

銅盤銘似

非三代語第銘字頗類淮南王故宮所出古戈銘而輒謂

武王封比干墓抑何據耶他如衡岳壇山比干季札墓題

語書皆妄自附會

于奕正天下金石志

比干墓銅盤銘

唐開元中偃師農人得之地中文甚奇古計十六字

按一統志及金石志以為偃師有比干墓銅盤銘所謂比干墓者非殷比干乃漢何比干也偃師志何比干汝陰人漢武帝時廷尉墓中以銅盤為誌出于唐開元中後傳自汝刻延祐間衛輝路學正王公悅摹石推官張

淑記之明萬歷十五年周思宸又重摹上石皆在汲縣是誤以何比干為殷比干故李濂通志以為孔子手書梅鼎祚以為武王所作皆非事實且嘯堂集古錄金石古文皆作右林左泉而汲縣石刻作左林右泉以為按地形改正不知右林左泉本偃師之地形不得妄改左林右泉從汲之地形也釋文集古錄作萬世之寧一統志作藏金石古文作靈集古錄作于焉是保餘俱作茲焉是寶今並附集古錄汝帖二篆以俟博古者論訂焉

右林左泉
萬世之寧
茲焉是寶

右嘯堂集古錄銅盤銘

右林右泉
萬世之寧

右林左泉
萬世之寧
茲焉是寶

右汝帖銅盤銘

漢夷齊廟二碑

佚

水經注首陽山上有夷齊廟前有二碑並

後漢河南尹廣陵陳導雒陽令徐循與處士平原蘇騰南

陽何進等立

漢酈食其廟石人銘

佚

水經注陽渠水逕漢廣野君酈食其

廟南廟在北山上成公綏所謂偃師西山也山上舊基尚

存廟宇東面門有兩石人對倚北石人胸前銘云門亭長

漢酈食其廟碑

佚

水經注石人西有二石闕雖經頽毀猶丈

餘闕西即廟故基也基前有碑文字剝缺不復可識子安

仰澄芬於萬古讚清徽於廟像文字厥集矣

按水經注箋文字下有脫誤當是載字
 謂成公子安集中有酈生廟碑文也

漢王子喬碑 金石攷 延熹八年蔡邕撰

按水經注載蔡邕王子喬碑在濟陰毫縣說嵩因偃師緱山有王子喬遺跡遂入偃師金石攷并誤

司空密陵光侯鄭廟碑 水經注 王莽中亭即緱氏城也休

水屈逕其城西水之西南有司空密陵光侯鄭廟碑文缺

不可復識

魏鍾繇墓碑 佚 天下金石志 偃師有鍾繇墓碑

晉城門校尉昌原恭侯鄭仲林碑 佚 水經注 休水西南有晉

城門校尉昌原恭侯鄭仲林碑皇始六年立

按皇始乃秦苻氏建年號 金石攷作秦始六年是

晉右軍鄭烈碑 佚 金石攷 太康四年碑在緱氏

後魏王子晉碑 佚 金石略 延昌四年

唐孝敬皇帝獻德之頌 存 金石攷 高宗行書飛白題額據府

志唐敬宗陵在景山上號恭陵有高宗御製功德紀及御

書碑按高宗太子宏追諡孝敬皇帝非敬宗也敬宗後高

宗九世志乘多不可信

唐招提寺聖教序 存 金石補遺 石刻在偃師縣府店北寺前

金石攷 顯慶二年王行滿楷書

按招提寺前聖教序乾隆二十五年邑令移在學宮

唐偃師令崔府君清德頌 佚 天下金石志 崔融撰在偃師

唐昇仙太子碑 存 金石錄 昇仙太子者王子晉也是時張易

之昌宗兄弟方有寵諂諛者以昌宗為子晉後身故武后為其祠親銘而書於其碑宣淫無耻可發萬古一笑

石墨鐫華武墨淫橫千古而亦假借柔翰天之生才於彼何其不靳也此文未必真出后手當是北門學士語碑首昇仙太子之碑六大字飛白書作鳥形亦佳飛白書久不傳於世此其僅存者耳

金石攷暨歷二年武后換碑陰上截薛曜書武后詩中截薛稷書從臣官銜並年月下截鍾紹京書從人名

唐杳冥君銘

通志金石畧薛稷書

按杳冥君墳記見陳子昂集宜入偃師金石攷誤入登封詳陵墓門

唐周公祠碑記

存金石攷開元二年賈□義撰

按周公祠碑在偃師西二十八里石橋北二里乾隆二十六年邑令移在學宮

唐左驍尉大將軍趙元禮碑

佚金石攷開元十五年潘肅撰

陸堅八分書

唐徐嶠之碑

存金石攷天寶八年李邕撰嶠之季子浩正書

按通志金石畧西京有洛川刺史徐嶠之碑徐浩書金石經眼錄載滿口頭村東一百一十七步二尺小官道北五十八步四尺有唐徐公碑埋土中乾隆二十六年邑令移在城內學宮折作兩截

唐萬年令徐昕碑

佚金石攷大歷四年韓雲卿撰韓擇木八

分書李陽水篆

唐彭王傅徐浩碑

佚金石攷貞元十五年張式撰次子峴書

唐右僕射王光謙碑佚金石攷貞元二十九年

唐顧少連碑佚通志金石畧兵部尚書東都留守顧少連碑

在西京張宏靖書金石錄顧少連諡議正書無姓名元

和元年五月

唐左拾遺竇叔向神道碑存金石攷元和三年羊士諤撰姪

易書金石補遺在蔡莊廟內作供凡

按竇叔向碑乾隆二十六年
邑令自蔡莊廟內移入學宮

唐李衆碑佚通志金石畧左散騎常侍致仕李衆碑在西京

裴潏書金石攷元和十三年李絳撰

唐裴氏祖德碑佚天下金石志曾孫潏撰并書在偃師

唐國子司業竇公墓銘昌黎文集公諱牟長慶二年葬河

南偃師先公叔向尚書之兆

唐歙州刺史邢羣墓銘金石攷太和□年杜牧之撰

唐太師崔陞碑存金石文字記崔陞碑劉禹錫撰柳公權正

書會昌元年五月在偃師

唐重修昇仙太子廟碑佚金石攷太和四年重修碑行書

唐贈太尉李固言碑佚金石攷大中六年李珣撰從姪儔正書

唐鄭畋謁昇仙太子廟詩存金石攷乾符四年正書無姓名

唐禮部尚書許康佐碑佚金石錄書撰人姓名殘缺

唐鄭碑佚天下金石志李則書在偃師

唐趙昌碑佚天下金石志歸登八分書在偃師

唐洪州錄事參軍趙道光碑佚墨池編唐緱氏趙道光碑齊

抗書

唐武登碑佚通志金石畧江陰縣令武登碑長慶三年在西

京天下金石志武登碑子儒衡撰并書在偃師

唐裴曹碑佚天下金石志趙博元書在偃師

宋重修昇仙太子殿記存金石攷明道二年謝絳撰

宋會聖宮碑銘存金石攷景祐元年呂仲元撰志載元祐九

年建宋臣石中立撰文或係重修為文以記

按歐陽公有會聖宮頌未見石刻現有會聖宮碑乃景祐元年石中立撰李孝章書金石攷以為呂仲元撰不

知何據縣志以為元祐九年亦誤

宋崇信軍節度副使尹公墓表佚金石攷至和元年韓琦撰

宋顏魯公碑陰佚廣輿記顏真卿墓在偃師碑陰刻米芾書

云公之使賊也謂餞者曰吾昔江南遇道士陶八入授以刀圭碧霞服之可不死且云七十後有大厄當會我於羅

浮後公薨偃師北山有賈人至南海見道士奕託書至偃

師顏家及造訪則瑩也守家蒼頭識公書大驚家人卜日

開壙棺已空矣

宋浮邱公廟靈泉記存金石攷碑在緱山政和二年夏六月

有泉出浮邱廟庭下能愈疾永安令張挺記之

金修王弼墓碑 存 金石攷城東三里有冢巍然南百餘步石

表在焉已顛仆斷缺辨其文為王輔嗣先生墓乃金忠顯

尉行河南府偃師縣主簿兼尉鮮于淵所立時明昌四年

八月望日也見元陳思忠記

按王弼墓據水經注在偃師西金鮮于淵誤以偃師東大家當之辨詳陵墓

金緱山廟石碣 存 金石攷承安丁巳淳南老人書

按緱山石碣今在偃師東門內人家壁上不知何時移入

元御史程君碑 存 金石攷至大七年元好問撰志云程氏先

塋尚有雷淵王思廉所撰碑

元重修宣聖廟碑 存 金石攷延祐丁巳宋濂撰

元吳炳書王輔嗣墓碣 存 金石攷偃師伯王輔嗣之墓八

碣元統甲戌吳炳隸書碑陰陳思忠記

按唐人神道碑在偃師者有權德輿所撰太子太傅趙憬穎川王後武就李邕所撰太子少保劉知柔孫述所撰太子詹事王同暉墓誌在偃師者有常袞所撰贊善李公穆員所撰監察御史裴府君河南兵曹元盛權德輿所撰右僕射李真太子少保徐申韓愈所撰考功員外郎盧東美河中法曹張圓越州刺史薛戎興元少尹房武王屋縣尉畢則李翺所撰秘書少監馬公兵部侍郎武儒衡杜甫所撰范陽太君盧氏崔祐輔所撰汝南公蔣煥李孝嗣所撰臨洛縣尉清河崔廣盧顥所撰許州叅軍盧顥俱詳陵墓門又按偃師西南四十五里湯王廟東有後魏石佛像碑上刻佛像下截刻字金石補遺載偃師城西街有唐人墓誌在酒館內作酒几北街王家亦有唐人墓誌俱乾隆二十六年送入學宮石碣張家有唐人墓誌近亦送入學宮偃師西南蕭村寨有宋仁宗皇帝御書飛白碑高五尺寬二尺五寸在陳家堂前洛水南有宋至道年間石幢壽聖寺有宋熙寧二

年勅賜壽聖
禪院石刻

以上優師

帝堯維璧書

佚

尚書中候帝堯率羣臣東沉于維刻璧書曰

天子臣放勳德薄行不元

按水經注洛水入河謂之洛內黃帝東巡河過洛修壇沈璧帝堯循壇河洛擇良議沈又東沈書於日稷遂禱於舜其謂沈書於日稷者即尚書中候所謂維璧書也繫其事於洛內下即今鞏縣洛口為沈書處刻書於璧稱天子臣放勳天子臣者天之子天之臣也並言子臣者尊親之也放勳堯號德薄行不元元善也自責之詞也對天自責者將以禪舜也

晉九山廟碑

佚

水經注九山廟碑云九顯靈府君者太華之

元子陽九列名號曰九山府君也南據崧岳北帶洛澨晉

元康二年九月太歲庚午帝遣殿中中郎將關內侯樊廣

緱氏令王與傅演奉宣詔命興立廟殿焉

按九山在鞏縣西南金石攷入登封誤水經注箋太歲庚午一作太歲在戌皇帝遣云云按世譜晉元康二年太歲在壬子用歷經推之是年九月乙亥朔無庚午日今詳所記太歲在九月下古人無記太歲在月下一例恐傳寫舛譌或是衍文又緱氏令王與傅演宋本作緱氏令王與主簿傅演

晉百蟲將軍顯靈碑

佚

水經注九山又有百蟲將軍顯靈碑

云將軍姓伊氏諱益字隤敬帝高陽之第二子伯益者也

晉元康五年七月七日順人吳義等建立堂廟永平元年

二月二十日刻石立頌贊示後賢矣

晉潘岳墓碑

佚

水經注羅水逕潘岳子父墓前有碑岳父

茈瑯琊太守碑石破落文字缺敗

晉潘岳墓碑

佚水經注岳碑題云給事黃門侍郎潘君之碑

文云君遇孫秀之難闔門受禍故門生感覆醢以增慟乃樹碑以記事太常潘尼之辭也

隋白雲寺石幢

開皇口年存

按鞏縣西南乾溝休水澗西有白雲寺土人新掘出隋開皇間石幢一而文稱雙寶柱似尚有一埋土中也

唐康水文石

佚

工部全集載逸事云甫十餘歲夢人令采文

石于康水依言得一石文云詩人本在陳芳國九夜捫之麟篆熟聲振扶桑享天福

唐尊勝陀羅尼經石幢

存

金石攷開元十九年左率府長史

王元明立在石窟寺即淨土寺石幢筆法古勁未詳何人

所書

五代唐佛說陀羅尼經石幢

存

金石攷長興三年亦在石窟寺

寺

宋羅漢寺禪院碑

存

金石攷天聖八年張觀奉勅撰李九思

書并篆額

宋皇從姪衛州防禦使遂國公墓銘

金石攷嘉祐五年歐

陽修撰又歐陽公集載皇從姪筠州團練使安陸侯康州

刺史高密侯右監門衛將軍廣平侯皇從孫監門衛將軍

右屯衛大將軍武當侯右監門衛將軍夫八周氏右監門

衛將軍夫人金堂縣君錢氏武昌縣君郭氏東陽縣君鄭

氏俱葬河南永安縣修各為撰銘

宋華陰侯仲連墓銘 金石攷熙寧二年見溫公集

宋右屯衛大將軍令邦墓銘 金石攷熙寧二年見溫公集

宋皇從姪右屯衛將軍士虬墓記 金石攷見溫公集在永安縣

安縣

宋淨土寺寶月大師碑銘 存 金石攷紹聖三年李洵書

宋銅鐘讚 佚 金石攷建中靖國元年宋直方撰

金敦請昭公長老祝壽文疏 佚 金石攷興定三年李華國書

石剝泐

金郭汾陽廟碑 存周敘遊嵩記廟有古柏數百株蒼翠蔚然

可愛有碑二通一金元光二年天黨越琢撰云是國嘗出

毒霧為災汾陽旋軍其上以厭之毒霧以息里人立廟祀

之

元清河郡侯張公神道碑 存 金石攷至元口年歐陽元撰

按清河郡張公碑巖巖書據元史本傳稱其善書法得晉人筆意輟耕錄載其自言一日可作三萬字未嘗以力倦而衰○又按葦故城北有宋昭孝禪院碑及隋羅尼經石幢半沒土中 以上葦縣

漢孟津銘 佚 金石攷李尤撰

晉河平侯祠碑 佚 水經注河渚舊有河平侯祠祠前有碑今

不知所在郭頒世語曰晉文王之世大魚見孟津長數百

步高五丈頭在南岸尾在中渚河平侯祠即斯祠也

按河南岸有洛陽北界碑今入孟津已見前

晉裴氏瑩碑闕佚水經注灑水出梓澤中澤北對原阜即裴

氏墓瑩所在碑闕存焉

唐穆寧元堂誌 文苑英華穆員撰

宋修光武帝廟碑 存天下金石志蘇得祥撰 金石攷開寶

六年孫崇望書

按金石攷康熙五十二年邑令郭銓重鐫石十幅

以上孟津

唐獨孤通理墓表 佚文苑英華獨孤及撰在甘泉鄉

唐獨孤及神道碑 佚文苑英華崔祐甫撰在壽安縣甘泉鄉

唐獨孤郁墓銘 昌黎全集郁秘書少監贈絳州刺史墓壽

安之甘泉鄉家瑩之側

按金石攷以獨孤郁墓銘入洛陽不知壽安甘泉鄉今宜陽地故正之

宋燕堂記碑 存金石攷明道二年富弼撰陸經書并篆嘉祐

七年知縣廖子孟重立

宋太常博士尹君墓銘 金石攷至和元年歐陽修撰

按大常博士乃尹源也金石攷引歐陽作師魯墓誌事實係于尹源墓志下是以尹君為尹洙矣當屬偶誤

宋尹洙墓銘 餘冬序錄歐陽永叔為師魯作墓銘與尹材

書刻石時首尾更不要留官銜題目及撰人書人刻字人

等姓名晉以前碑皆不著撰人姓名此古人有深意久遠

自知篆蓋祇著尹君師魯四字

金陶公壽堂記

金石攷貞祐丙子王廷撰

元重修光武廟碑

金石攷至元二年劉傑撰

元壽安亭記

金石攷至正九年劉傑撰

明重修錦屏書院二碑

金石攷一劉敏寬撰一王廷撰

明酌水賦石刻

金石攷萬歷壬子學使葉秉敬書

按金石攷載姚紹祖煙霞亭記亭久圯碑字尚可讀乃元人重葺記而經始莫攷

以上宜陽

河南府志卷之二百九終

河南府志卷之一百十

金石志五

金石五 登封

古三皇文

雲笈七籤晉惠帝時有晉陵鮑靚官至南海太

守少好仙道以元康二年二月二日登嵩高山入石室清

齋忽見古三皇文皆刻石為字爾時未有師靚乃依法以

四百尺絹為信自盟而受後傳葛洪

按三皇之世未有文字安得石刻恐羽流附托為之以神其說耳

神禹大篆

東方朔十洲記禹治洪水既畢經諸五嶽使工

刻石識其里數高下其字蝌蚪書

羅泌路史霍濶嵩岱

衡華恒山會稽空峒熊耳碣石等處皆有禹所紀 傅梅

嵩書玉女峯北上有大篆七字人莫能識

按十洲記路史言五嶽神禹所紀嵩下未有能見之者嵩書所載玉女峯大篆七字今亦無有又少室天德峯上石文有天然帝字薛老岩有神清之洞四大字恐嵩書所記亦是此類不然則神明呵護秘而未出也

古九州圖 佚任昉述異記魯班刻石為禹九州圖在太室山

古石鼓篆 佚嵩書潁陽西石鼓岡傳山上有石鼓鑿刻篆隸

之文今不知所在

戰國荀况鼎 佚梁虞荔古鼎錄荀况在嵩溪作一鼎大如五

石甕表裏皆紀兵法篆書四足

漢中嶽太室石闕銘 存金石文字記太室石闕八分書元初

五年四月今在登封縣中嶽廟南百餘步銘八行年月及職官姓名共十三行完好未圯而其文剝蝕殆半若少室啟母二所即闕亦就隕矣其文曰惟中□□嵩高神君□□□休□最純春生萬物□寸起雲潤施原流□□□宣竝天四海莫不蒙恩聖朝肅敬衆庶所尊□□奉起□□盡勤□□功德刻石紀文□顯□異以傳後賢元初五年四月陽城□長左馮翊萬年呂常始造作此石闕以後列職官姓名字多漫滅不可識嵩山三石闕不載洪氏隸釋故今錄其全文此三闕巋然尚在而歐趙當宋盛時何以皆未之見則知二錄所不及載者固多也 褚峻金石

經眼錄太室石闕在登封縣東八里中嶽廟前百步闕高八尺濶六尺厚一尺六寸刻銘處高八寸濶三尺三寸字徑一寸南向額北向高七寸五分濶八寸字徑二寸六分

金石攷按銘祠崇高神君句文字記作嵩高按漢書武帝祠中嶽改高高為崇高後漢書靈帝熹平五年復崇高山名為嵩高則安帝元初五年崇高為是神君或作帝君

口寸起雲句說嵩寸作方聖朝肅敬句說嵩敬作齋口說奉祀句金石文字記說嵩俱作奉起今榻本祇有首行中高三行春生寸起雲濶四行源流竝五行莫不肅八行顯

賢九行四陽十行長始十二行川十三行朱十五行臨十

八行壽副十九行崇亭蘇監少二十行陽亭部陽陵二十一行鄉王二十四行君三十八字依稀可辨額九字三行

前二行尚存中嶽奉堂陽城六篆字末行三字磨損

按太室闕銘金石文字記惟中下闕二字則銘詞皆四言經眼錄及說嵩惟中下闕三字則銘詞首句五言餘皆四言婁機云史記載始皇凡刻石頌德之辭皆四字句而泰山辭曰皇帝臨位二十有六年琅邪臺頌曰維二十六年皇帝作始每稱年者輒五字嘗見泰山祠石本則書為廿有六年及得史記宋本皆廿字此後人傳寫謫耳容齋隨筆嘗辯之韓文公作孔殘墓誌銘孔世卅八吾見其孫亦皆四字句俗本作五字句皆謫今太室銘詞皆四言而經眼錄墓每行皆九字首行○惟中□□□崇高神二行君家□□□□最純三行春生□□□寸起雲濶施四行源流□□□宣竝天四海以下俱每行九字對列整齊及得舊榻本每行有八字者有九字者有十字者參差不對首行惟中下雖模糊尚彷彿闕二字四行源流下尚彷彿闕三字若如經眼錄所

摹不惟首句五言與通體不稱且四行源流下宣字上
 但闕二字成三字句矣又文字記並天晉天也古人省
 文說嵩並作並誤闕額中嶽泰室陽城六字後闕三字
 篆書石刻陽文題額下又有篆書漫漶不可搨泰室字
 金石攷說嵩作泰堂誤題名
 呂常經眼錄作呂營亦誤

漢開母廟石闕銘 存 金石文字記 開母石闕 篆書延光二年

今在嵩山啓母廟漢避景帝諱改啓曰開其文曰□□□
 開母廟□□神道闕時太守□□朱寵丞零陵泉陵薛政
 五官椽陰林戶曹史夏效監椽陳長西河圍陽馮寶丞漢
 陽冀秘俊廷椽趙穆戶曹史張詩將作椽嚴壽伍左福已
 題名□□□□□□百川柏鯨稱遂□□□□浩浩下
 民震驚□□□□□□寫元九山甄旅□□□□□□漢

山辛癸之間□□□□□□斯民同心濟□□□□□□

□□替又遭亂秦□□□□□□馮神獮彼飛雉□□□□

□□符瑞靈支挺生□□□□□□蘇清興雲降雨□□□□

□□□□不歇比性乾坤□□□□□□我君千秋萬

祀□□□□□□銘功昭賝後昆□□□□□□二年上

銘重日□□□□□□德洋溢而溥優□□□□□□則

文耀以消播□□□□□□皇極正而降休□□□□□□

□□芬茲楹于圃疇□□□□□□木連理於芊條□□□□

□□□□昨日新而累熹□□□□□□咸來王而會朝□

□□□□□□九域□其修治□□□□□□祀聖母虛山

鴈□□□□□□神□亨而□格□□□□□□登我后
以萬祺□□□□□□于□樂而罔□□□□□□□□永

歷載而保之

已上後銘文

葉封嵩陽石刻記開母廟石闕題

銘見存篆書凡三十二行前題名十行行七字內第三行止六字以少室石闕所列銜名參考之則此各行之上無闕文也後二銘共二十二行內前銘十行年月一行行十二字今止存六字後銘今止存九行每行以志載本文考之所闕多寡不齊今亦止存六字按嵩高志啓母廟石闕在啓母石正南漢安帝延光二年潁川守朱寵造闕銘載藝文今以志載本文考之前銘每行又闕三字蓋又亡其

原石一層矣後銘尤參差竝闕後神□亨而節格釐我后以萬祺于□樂而罔□永歷載而保之四句又志未載木連理于芊條六字及前題名附記于此又按闕式以石條纍砌如墻而闕其中石質甚粗空地間刻雜花紋嵩山絕無漢時碑碣此與少室石闕同為最古悉錄之以備考摭叶夷周切條叶徒鏐切朝叶張流切隅叶魚侯切蓋古韵也熹治與祺之為一韵但與朝隅隔韵相叶又一體修條本文俱从彳竝記之金石經眼錄開母廟石闕銘并季度銘及東側高八尺五寸濶六尺厚一尺六寸刻字處高二尺三寸徑一寸八分在崇福觀東廿步許北向金石

攷題名在前上段磨滅可辨者一行□□開母廟興二行
 神道闕時大守三行廷朱寵丞零四行泉陵薛政五官五
 行陰林戶曹史夏六行府監掾陳修長西七行河圖陽馮
 寶丞漢八行陽冀祕俊廷掾趙九行縣戶曹史張詩□十
 行作掾嚴壽佐左福前銘四字一句後銘六字一句侯官
 李雲龍藏本較亭林本前銘每行多三字後銘每行多二
 字□□□□□□百川柏鯨稱遂□□□□□泉浩浩下
 民震驚□□□功疏河寫元九山甄旅□□□文爰納漢
 山卒矣之間□□□入實勤斯民同心濟□□□正杞
 繪□替又遭亂秦□□□亨於茲馮神彌彼飛雉□□□

庭□祥符瑞靈支挺生□□□化陰陽蘇清興雲降雨□
 □□□守□不歇比性乾坤□□□□□我君千秋萬
 祀□□□孫念碣銘功昭眠後昆前□□延光二年空二
 重日□□□□□辟惡洋溢而溥優□□□□□政剛文
 耀以消擗□□□□□離皇極正而降休□□□□□
 芬茲楸於圃疇□□□□□木連理於芊徐□□□□
 □盛胙日新而累熹□□□□恭化咸來王而會朝□□
 □□清靜九域分其修治□□□□祈福祀聖母虔山隅
 □□□而□格釐我后以萬祺□□□而罔極永歷載而
 保之較金石文字記刻本又增四十一字

按嵩陽石刻載後銘止存九行下闕四句文字記曰歲
 屠維協治莫春予親至廟下視石闕并叔所謂闕四句
 者今又得四行二十餘字以文多不能容故轉而刻於
 其旁仍亡其上一層也今據闕後銘側僅兩行共十一
 行每行兩句十二字文字記於末兩行各句上多一句
 闕文則以兩行為四行後銘反成十三行矣與所見不
 合又文字記曰重日二字出楚辭遠遊篇漢書班固行
 自悼賦文選潘岳寡婦賦亦並用重日二字所謂言之
 不足而長言之也并叔誤以為重日而云是年月一行
 按此一行今存六字二年之下重日之上空石未鐫
 明其非紀日矣題名在左福文字
 記佐作伍誤闕下李度銘別見下

漢少室石闕銘存金石文字記少室石闕篆書今在登封縣

西十里邢家舖西距少室山尚十餘里當是漢時廟在
 地闕有銘辭而今僅存二行八字其可辨者五字又云三
 月三日而上無年云郡陽城而上無郡名亦亡其上石一

層矣其見存之文每行四字曰□□林芝□日月而□□

□□三月三日郡陽城縣興治神道□□□□君丞零陵

泉陵薛政五官掾陰林戶曹史夏效監廟掾辛述長西河

園陽馮寶丞漢陽冀秘俊廷掾趙蘇戶曹史張詩將作掾

嚴壽廟佐向猛趙始嵩陽石刻記少室神道石闕題名

篆書在少室東邢家舖西今可摹搨者凡二十一行行四

字以郡陽城縣推之則郡字上似應尚有一字以丞零陵

以下與啓母廟題名大同小異其同為漢安帝年間物無

疑矣但有題名而亡其銘辭以臆度之其□□林芝至三

月三日四行似屬所題之尾而郡陽城縣一行乃起首處

也識以俟考
 金石經眼錄少室神道石闕銘高八尺五寸濶五尺五寸厚一尺八寸刻字處高一尺濶三尺八寸字徑一寸四分此西闕及西側也額少室神道之闕六字刻於西闕之陰北向刻字處高七寸濶七寸五分字徑二寸三分
 金石攷銘詞下及右側又額下及題名之上俱鐫刻人物陰陽文不一極古朴可玩

按經眼錄少室闕第三行七行俱空不作闕字以原闕較之良然文字訛及嵩陽石刻俱作闕字非又東闕下題名別見下

漢開母闕季度銘有金石經眼錄開母闕下刻季度銘處高七寸五分濶一尺三寸字徑一寸五分存十二行行五字

八分書文云與大君諱協字季度□□郡主簿作□銘文後舉孝廉西鄂長早終敘曰於惟我君明允廣淵學兼游夏德配□文歿而不朽實有立言其言惟何下闕
 金石攷李雲龍云季度石闕即在啓母石闕下半刻銘處高七寸五分濶二尺三寸字徑一寸五分十一行行五字余按後漢蔡邕傳唐章懷太子賢注先賢行狀堂谿典字子度潁川人爲西鄂長官階相同似是典銘但首行諱雖模糊並非典字延篤傳注或卽指此爲典字季度耶此銘志錄不載說嵩幾於無微不搜迺獨遺此何也

按季度銘文金石攷首行與大君作典大君諱下闕一字

漢少室東闕題名存金石經眼錄少室東闕刻字處高一尺

濶六尺字徑一寸二分北向八分書題名曰孟李陽程

仲潘除鄭孟程盛潘陽口文令常口口口重令容四行行

六字雍正三年維陽董金甌遊嵩山表出之前人皆未及

漢許由廟碑闕佚水經注箕山上有許由廟碑闕尚存是漢

潁川太守朱寵所立

按開母少室闕皆漢延光二年潁川守朱寵建水經注又稱許由廟闕亦寵建則數闕同時惜許由闕不傳耳

漢承露鬯文佚鬯錄安帝延光四年鑄於少室山其文曰承

露鬯小篆書

漢堂谿典嵩高山石闕銘佚金石錄堂谿典嵩高山石闕銘

云中郎將堂谿典伯并熹平四年來請雨嵩高廟按後漢

書靈帝紀熹平五年復崇高山名爲嵩高山章懷太子注

引前漢書武帝祀中嶽改嵩高爲崇高東觀記曰使中郎

將堂谿典請雨因上言改之復爲嵩高今此文乃熹平四

年可以正漢史之誤又蔡邕傳注引先賢行狀云典字子

度而延篤傳注又作季度今此碑乃云字伯并亦當以碑

爲証

按堂谿典嵩高山石闕見金石畧或疑開母闕下隸書有字季度及西鄂長卽堂谿典請雨銘然金石錄載典字伯并則季度非典字而請雨銘曰別一闕今不可考耳玉海引嵩高山記漢孝武嘗立圓石闕於嵩下今不存

後魏劔銘佚刀劍錄道武帝珽以登國元年於嵩阿鑄二劍

金石志同治六年補刊九 金石五

一銘曰鎮山一銘曰沈水隸書

後魏中嶽廟碑存通志金石畧後魏中嶽碑太安二年有碑

陰 金石文字記八分書魏大武帝因道士寇謙之奏請

更造嵩嶽新廟立碑紀事金石錄有其目余謁廟見此碑

有一孔疑是漢碑審視乃知其為魏也碑中稱謙之為天

師為師君以太武奉道親受符籙故云然字體近拙而多

古意中段剝蝕首尾具存碑陰復多題字嵩山碑自漢石

闕外無古於此者葉井叔記嵩陽石刻不知何以遺之

後魏磚浮圖石蓋銘存金石文字記正書嵩山會善寺掘地

得此石蓋銘曰神龜三年七月三日魏故太傅侍中太尉

公清和王薨世子元璽字子亮次子元劼字子開奉為建

七層磚浮圖一區敢用頂髮及諸雜寶上塔追誠崇敬千

載弗忘謹銘函蓋今存寺中元劼當是元啟

後魏跋陀大師碑佚天下金石志碑在登封

東魏嵩陽寺碑銘存金石文字記八分書天平二年四月今

在嵩山會善寺末有正書一行曰大唐麟德元年歲次甲

子九月景午朔十五日庚申從嵩陽觀移來會善寺立碑

文東作柬矩作短潛作潛馴作巡啄作喙洋作庠驚作務

惟皇帝太后不跳行不空闕猶存古式篆字三見曰法身

凝冢曰虔禮禪冢曰至冢至妙廣韻冢與寂同莊子注取

其家實無情耳家音寂本亦作寂 嵩陽石刻記此碑上

截刻佛相雕鏤層疊佛相隆起餘地鐫平此文刻於下截

當碑四分之一其字之上方又刊空方六寸許深入二寸

許其規製亦迥異於後代北齊諸碑率類此 金石攷碑

記生禪師造塔及其徒倫豔繼造二塔事

按說嵩高陽寺碑立於會善寺佛殿東楹康熙已丑重修佛殿更移立於寺西之戒壇

北齊碑樓寺碑存 金石攷寺內有豫州劉刺史碑天保八年

丁丑立刻劃佛像文列上方無佛處鐫諸人姓名俱劉氏

名文紀劉碑為首造碑之緣起也俗稱劉碑

北齊在孫寺碑存 金石攷碑正面刻佛像碑陰刻大齊河清

三年歲在甲申敬造文字剥落殆盡不可搨矣下截埋土
中止露其半在村衢

北齊少林寺碑存 金石文字記正書武平元年正月今在本

寺大殿前刻佛像與相里寺碑製畧同書法甚劣 曝書

亭集少林寺碑北齊後主武平元年正月立于嵩山少林

寺文本正書雜用大小篆八分法北朝碑多類此書家嫌

其乖劣然以拙筆見古與後代專逞姿媚者不同也碑後

列勸化主邑師邑子都維那忠正北面像主齋主多人中

有張黃頭馬黃頭按北史游雅小字黃頭則黃頭命名亦

當時習俗然爾叢主揆之以義當屬齋字但說文玉篇汗

簡等書皆無之吾不敢知也曹上舍仲經好古金石文特裝界為冊跋其尾焉

北齊龍華寺石幢存金石攷測影臺東石幢二刻尊勝陀羅

尼經北齊武平元年建寺時立今在寺門荒原

北齊會善寺造像記存金石文字記會善寺大殿前有武平

七年十一月造像記其製同少林寺碑是年十二月改元

隆化其明年國亡矣

唐太宗賜少林寺教存金石錄八分書無姓名高祖武德二

年疑後人重書嵩書碑額隸書曰太宗文皇帝御書已

上七字開元神武皇帝書奔州山人臺唐文自書少林

書書法不甚工而亦不俗當是幕僚筆內世民二字行草

是親押耳首有開元神武皇帝書後人所妄加也碑額未

知亡於何時金石文字記秦王告少林教今在寺中其

文刻於裴灌碑之上首曰太尉尚書令陝東道益州道行

臺雍州牧左右武侯大將軍使持節涼州總管上柱國秦

王王字為後人鐫去世民告柏谷塢少林寺上座寺主以下徒眾

及軍民首領士庶等相谷塢王世充建為轅州少林寺牒云武德四年四月廿七日眾僧等翻

歸國轅州城末曰四月廿日按舊唐書太宗紀高祖受禪拜尚

書令右武侯大將軍進封秦王加授雍州牧武德元年冬

拜太尉陝東道行臺尚書令尋加左武侯大將軍涼州總

管三年加拜益州道行臺尚書令七月總率諸軍攻王世充於洛邑則此乃四年之四月廿日也其五月丙寅則世充降而河南平矣世民二字草書特大乃太宗親書又按金石錄載唐太宗賜少林教書八分書武德二年與此不同或別是一教

按金石錄以賜少林教為八分書者指碑額而言武德二年當為四年字偶誤耳顧亭林疑別是一教實不然碑額太宗文皇帝御書七字乃明皇所題後人又題謝元神武皇帝書蓋指碑額七字非謂告少林教書也今碑額既亡則開元皇帝書數字遂不可解故弇州以為妄加

唐金剛般若波羅蜜經存金石刻考畧元裝奉勅於東都譯諸佛經佛法方盛天子尚加敬信知敬書此經所由來

矣第石質似惡刻亦未精剝蝕太甚存者不及半

嵩陽

石刻記金剛經咸亨二年王知敬奉敕書在少林寺殿後壁字多剝落按書史知敬工正行草峻利豐秀尤善署書

唐高宗飛白書

佚

嵩陽石刻記裴灌少林寺碑曰咸亨中乘

輿戾止御飛白書題金字波若碑留幡象及施物永淳中御札又飛白書一飛字題寺壁雲開顧鶴電轉游龍

唐少姨廟碑

佚

通志金石略沮渠智烈書

金石錄楊炯撰

永淳元年十二月碑云少姨廟者則漢書地里志崇高少室之廟也其神為婦人像者則故老相傳云啓母塗山氏之妹也余按淮南子云塗山氏化為石而生啓其事不經

固已難信今又以少姨爲塗山氏之妹廟而祀之其爲淺陋尤甚蓋俚俗所立淫祀也烟旣載之于碑又遂以爲書所謂少室之廟者何其陋哉

唐啓母廟碑

佚

金石錄崔融撰沮渠智烈書永淳二年正月

按淮南子云禹治鴻水通轅轅山化爲熊塗山氏見之慙而去至嵩高山下化爲石方生啓禹曰歸我子石破北方而啓生其說可謂恠矣然漢武帝幸緱氏至中嶽見夏后啓母列于詔書皆具載其語而融又文其事于碑流俗安得不惑乎自古荒誕之士喜爲奇辭恠說以欺世眩俗學士大夫能卓然不惑者蓋鮮如啓母化爲石伊尹之母化

爲衆事又不經難信然繇古訖今未有非之者也嗚呼此君子所以惡攻乎異端也歟 嵩山志唐高宗幸嵩山勅令重修啓母廟命崔融撰碑銘今無存

唐永泰寺石幢

存

金石攷幢在永泰寺殿庭中東西各一幢

八角庭東幢與西小異刻陀羅尼經字頗漫漶永淳二年立庭西幢上方刻奉爲開元天地大寶聖文神武應道皇帝敬造陀羅尼幢下方刻尊勝陀羅尼經又按金石刻考略永泰寺尊勝咒石幢在寺內庭西天寶九載立劉青黎謂西幢卽嵩山隱士高岑書

唐天后詩書碑

存

金石文字記天后御製詩并書一通王知

敬正書永淳二年九月今在少林寺 嵩陽石刻記天后詩書各一首共一碑王知敬書按知敬有奉敕書金剛經今在寺壁間字多剝落而此碑獨完好如新

唐王徵君口授銘 在 金石文字記王徵君臨終口授銘弟紹宗甄錄并書正書垂拱二年四月今在嵩山老君洞南徵君即王元宗也 嵩陽石刻記按書史稱紹宗書如齒齒鴻飛芳園桂植予觀此銘筆法道警頗類曹娥碑且近重目前而初無傳揚予始物色得之亦一快也

唐中嶽嵩靈廟碑 有 嵩嶽廟記此碑式度極異篆額下鑿圓孔其取義不可考石為雨日侵灼剝蝕殆盡中可辨識者

十之四蓋奉勅重修記也文內稱中嶽地理土官之宮應鎮星值軒轅其論最有根據碑末□□三□歲次壬辰□月丁丑□五日辛丑大周聖神皇帝遣金臺觀主馬元貞作功德□□於中嶽武后僭號大周其為唐碑無疑廟碑甚多此最近古可寶也 金石攷按武后僭位壬辰乃天授二年今作三年

唐武后昇中述志碑 佚 金石錄周昇中述志碑武后自撰睿宗書碑極壯偉立於嵩山之巔其陰鍾紹京書字畫皆工妙政和中河南尹上言請碎其碑詔從之 金石攷萬歲登封元年相王旦書

唐武后封中嶽碑佚通志金石略周封中嶽碑登封元年在

西京薛稷書金石錄周武后封中嶽碑碑已殘缺書撰

人姓名皆不可考然驗其筆蹟皆薛稷書也天下金石

志周封中嶽碑薛稷書萬歲登封元年

唐武后封中嶽碑佚通志金石略周封中嶽碑相王旦書

天下金石志周封中嶽碑李嶠撰相王旦書萬歲登封元

年

按封中嶽碑鄭氏金石略于氏金石志皆有二一薛稷書一相王旦書說尚誤為一碑又疑封中嶽碑即封祀壇碑而借諸公未之見然當下有封祀壇舊搨本為薛稷書與所謂薛稷書相王旦書者自別不得目為一也

唐武后封祀壇碑在嵩陽石刻記封祀壇碑武三思奉敕撰

薛曜書在縣西萬羊岡按此書結構道密較石淙殊勝碑

文凡三十六行下截三尺餘剝落已盡文義難屬

按謝絳游嵩山寄梅殿丞書武后封祀碑故存自號大周當時名賢皆不著姓名於碑陰尚虞後代之譏其不典也碑之空無字處觀聖俞樂理國而下四人同游鏡刻尤精又金石文字記封祀壇碑天冊萬歲二年

唐朝觀壇記佚金石攷武后見崔融啓母廟碑文嘉之命作

朝觀壇記詔刻碑今碑不存而文亦無傳

唐少林勅書佚金石錄天冊萬歲二年八分書無姓名

唐潘尊師碣文存金石文字記王適撰司馬承正八分書聖

歷二年二月今在嵩山老君洞南題云弟子中巖道士猗

馬蘄彖書按唐書隱逸傳司馬承正字子微事潘師正傳

辟穀導引術無不通師正異之曰我得陶隱居正一法遺而四世矣則此碑稱弟子者司馬承正也廣韻嶽亦司字老君洞即唐之逍遙谷潘師正傳云居逍遙谷高宗詔即其廬作崇唐觀及營奉天宮又勅直逍遙谷作門曰仙游北曰尋真 嵩陽石刻記潘師正碣用筆稍肥姿致道媚文亦清麗可誦 金石攷碑陰及左右兩旁刻宋熙寧間崔象之等題名劉几及子姪題名錢待問等題名劉几題名張增張琬等題名李禹卿題名公度及子弟題名祖無擇題名王紳題名元豐間元聖庾元祐間李昂李夷行等題名李公弼題名樓試可等題名政和間張口等題名

唐石淙詩

存 金石文字記夏日游石淙詩并序薛曜正書久

視元年五月今在嵩山石淙北崖上其詩天后自製七言一首侍遊應制皇太子忠顯太子左奉裕率兼檢校安北大都護相王忠旦太子賓客上柱國梁王忠三思內史忠狄仁傑奉宸令忠張易之麟臺監中山縣開國男忠張昌宗鸞臺侍郎忠李嶠鳳閣侍郎忠蘇味道夏官侍郎忠姚元崇給事中忠閻朝隱鳳閣舍人忠崔融奉宸大夫汾陰縣開國男忠薛曜守給事中忠徐彥伯右玉鈐衛郎將左奉宸內供奉忠楊敬述司封員外忠于季子通事舍人忠沈佺期各七言一首內天台謠右銜謠衝瀑水謠曝嵩陽

石刻記石淙詩刻石淙北崖上崖壁立臨水揚者鑿穴崖麓架木為棧以摹之

按石淙北崖刻詩有狄梁公七律一首全唐詩未收其詩曰宸暉降望金輿轉仙路崢嶸碧洞幽羽仗遙迎鶴駕惟宮直坐鳳麟洲飛泉灑液恒疑雨密樹含涼鎮似秋老臣預陪元圃晏餘年方共赤松遊

唐石淙序

存

嵩陽石刻記秋曰晏石淙序張易之撰闕書人

名按全文載嵩高志止闕十餘字謂是文刻石淙南崖下臨深谿人跡罕至傳太常梅架木為棧命工揚存之今以揚本校之補識陽城二字而其漫漶者不啻十之三矣太常去今僅七十年而石文剝落輒爾相殊後此又當何如耶書與天后游石淙詩序相似疑亦薛曜書也

金石攷

未有宋至和二年范純仁題名熙寧庚戌張璪弟琬題名

宣和甲辰王績題詩乙巳王仲薏等題名刻張易之序後

王績詩刻范忠宣題名之上字相參互殊不易揚

唐重修許由廟碑

佚

通志金石略周許由廟碑則天撰相王

旦書

金石攷大足元年

唐武后幸閒居寺詩

佚

金石錄高宗睿宗太平公主詩八分

書無姓名武后詩自草書長安四年四月

唐武后降禪碑

佚

嵩山志大周降禪碑立於嵩頂李嶠撰具

按碑文高頂宜曰封禪降字乃封字之譌疑即周封

撰相王旦書載天下金石志者也已見前

唐幽書中林石

佚

通志金石略幽林思嵩山詩韓覃作

唐

金石志

金石志

古詩林思武后時廬山林藪人韓暉撰余為西京留中
推官因游高山得此詩愛其辭翰皆不俗

唐少林寺戒壇銘佚并州續稿戒壇石為學生張傑書當是

時傑應尚少且不以書名而筆法老成乃爾又時未盡習

帝書故猶有瘦勁意天下金石志少林戒壇銘三藏法

師義淨撰張傑八分書開元三年

按說嵩以張傑所書為戒壇記開元三年以義淨所撰為戒壇銘長安四年記與銘本二石與金石志不同

唐中嶽韓先生碑佚天下金石志開元六年崔彥本換司馬

綯八分書

唐少林寺賜田牒存高陽石刻記開元十一年十二月廿一

日牒無書人姓名在裴灌少林寺碑陰蓋當時寺僧錄賜

田牒由上石者也書法修整故自可觀其上方刻太宗為

秦王時教並武德年月官名

唐會善寺道安禪師碑存高陽石刻記道安禪師碑廣平宋

儋撰并書開元十五年十月二十日建在戒壇西南按傳

梅嵩書道安禪師碑宋儋書文尚可讀字適勁多骨而風

致超逸出李北海上末云建塔僧破竈下損一字袁中郎

謂神僧破竈墮予細辨損處下從木不似墮字豈嵩山有

兩稱破竈者乎可疑也予謂此書雖有風致然用筆傾側

殊遜北海書史評儋書如寒鴉棲木平沙走兔是為似之

至淳化閣帖誤列儋書於秦程邈後絕勝於此而黃山谷亦稱儋書筆墨精勁又稱儋書姿媚尤宜於簡札惜不多見則固當時名筆也碑於萬歷時雷轟爲兩截下截爲土所瘞踰二尺許掘地出之模糊不可讀

唐少林寺碑

存

石墨鐫

碑首太宗文皇帝御書移寺主并

軍民檄下方則裴懿公灌撰述并書灌此文殊不及書書法秀勁其得意處漸升伯施之堂矣

金薤琳琅達摩爲

釋氏西來初祖惠可二祖碑雖及其人而惠可立雪達摩面壁皆不之載寺有太宗與僧教書石刻蓋太宗爲秦王時僧擒王世充以獻故太宗賜書褒美而碑云僧執世充

姪仁則以歸與教不同 金石文字記少林寺碑裴灌行

書開元十六年七月今在大殿東南鐘樓下碑內王字俱鐫去按金史海陵正隆二年二月癸卯改定親王以下封爵等第命置局追取存亡告身公私文書但有王爵字者皆立限毀抹雖墳墓碑誌並發而毀之則知前代封爵之碑有王字者多毀仆於此時而此碑以梵力獨存乃其間王宮夏王王言有王等字亦從而鐫去矣完顏之不通文義而肆爲無道可勝歎哉唐碑遇帝號必空三字此碑所紀宇文周事有明皇帝皇上空三字有隋高祖祖上空三字而前有周武帝却不空蓋緇流不通古今者之所爲也

嵩陽石刻記裴淮書少林寺碑嵩山諸碑行書中此為

第一

唐盧鴻四銘佚集異記開元隱士盧鴻凡有異境皆勒銘其

最妙者玉女石雞鳴峯望都峯中天池此四銘也

唐珪禪師碑佚通志金石略嵩山閑居寺珪禪師碑開元

十三年金石錄宋儋撰并行書

按閑居寺即今嵩嶽寺

唐景賢大師身塔石記存金石文字記羊俞撰沙門温行

書開元二十五年八月今在嵩山會善寺葉封曰按天羅

有留別温古上人兄詩云宗兄此削髮蓋其族人亦必

稱者也

唐嵩嶽寺碑佚通志金石畧嵩山當作嶽寺碑頌胡莫書開元

二十七年集古錄嵩嶽寺碑唐緇州刺史李邕撰胡英

書英之書世之所重也其文云寺後魏孝明帝之離宮初

名閑居寺仁壽二年改為嵩嶽寺也

按嵩嶽寺碑鄭氏謂胡莫書歐陽謂胡英書當有一誤說嵩因李邕撰文遂疑為即金石畧李邕所書大照禪師普寂碑不知大照普寂尚別有三碑並見後

唐普寂禪師碑佚金石錄盧鴻撰并八分書開元十二年

唐崇福觀主魏尊師碑佚金石錄宋遙撰八分書姓名殘缺

金石攷開元二十九年裴炫書

唐嶽寺大照和尚普寂碑佚 通志金石畧在西京李邕書

金石錄李邕撰并行書天寶元年二月碑在嵩岳寺 嵩

書李北海以書名若秦望山法華寺東林寺嶽麓寺諸碑

俱傳於世嵩嶽寺舊志載碑文一篇為李邕作并書寺廢

已久屢覓無所得 金石文字記大照名普寂大通秀之

嗣去達摩七世是名北宗門庭甚盛所謂兩京法主三帝

門師者也碑當在嵩嶽寺今不存拓本乃翻刻者不逮雲

麾嶽麓亞於娑羅耳 六研齋二筆金陵俞仲茅云此書

自唐以來即為高麗所藏以故絕無宣和政和等璽及蘇

米等跋神廟末年一弁得之平壤後留余處世傳北海石

本娑羅雲 摩率以宥逸取奇與此絕不類乃知古人勝處

初不可以一途取也 金石攷金石志載入陝西長安

唐大照禪師普寂碑佚 通志金石畧在西京史維則八分書

金石錄大照禪師碑盧僎撰史維則八分書天寶元年

唐潁陽觀碑佚 金石錄張粲撰史維則八分書天寶五載

唐嵩陽觀聖德感應碑存 弇州山人彙頌為右丞相李林甫

撰蓋元宗令方士煉大還於嵩陽觀六轉而移煉緱氏山

太子廟九轉而林甫紀其瑞者也書為徐浩古隸與帝隸

法絕相類雖以肉勝亦自有態可寶也 石墨鐫華碑作

於天寶三載是時開元之政已敝而林甫以姦佞為詞本

無足採但浩分隸與史惟則輩幾伯仲矣 金石文字記

嵩陽觀頌李林甫撰徐浩八分書裴迥題額天寶三載二

月今在登封縣嵩陽宮遺址 嵩陽石刻記浩書迥整無

一懈筆論者謂其怒猊抉石渴驥奔泉信哉碑甚高大左

右旁刻花紋亦甚工細在風日中歷歲久遠而絕無損

又其獨異者 再觀祖集嵩陽書院記曰門之右穹碑

立讀其文乃李林甫頌明皇丹成事或曰碑宜燬或曰

浩八分書有搨摹者姑存之余曰存之宜也而不必以書

書蓋唐時此地為天封觀羽流居之今為生徒雲集

談道其中不讀是碑無以知此地之辱於昔而榮於今

金石攷徐浩 德頌止此一碑而金石畧兩載一曰

天封聖德感應碑 嵩陽觀紀聖德感應頌蓋失考矣

碑陰刻宋熙寧辛亥張琬等宣和乙巳盧漢傑等題名景

冬陽宗伯謂盧書秀逸有法為宋刻之冠

唐碑樓寺斷碑 存 金石攷碑立寺堦東文不可讀後僅存天

寶八載等數字寺殿壁之西有石塔塔有石屋高八尺刻

天寶八載造

唐靈運禪師塔銘 存 嵩陽石刻記天寶九載崔琪撰沙門勤

口行書在少林寺王弇州跋云靈運碑末云聖善寺沙門

勤下殘缺二字當是僧書耳文淺陋不足道書法絕類聖

教無一筆不似後世傾側偃卧以取姿態者其人材雖足
稱要之有媿於此髡也又碑頂刻十五字云寺西石塔靈
運師墳卽梁帝皇嗣者也不知何人書亦有風致
〔金石
攷靈運禪師碑陰刻陀羅尼經咒三高峯書

唐少林寺石像記 〔天下金石志天寶八載

唐龍潭寺明禪師碑 〔通志金石畧在西京徐浩書 〔集古

錄明禪師碑秋暑圖甚覽之醒然 〔天下金石志鄭昊之

撰天寶十載

唐元隱禪師塔 〔銘 〔天下金石志徐浩撰并書天寶十一載

在登封

按金石畧有徐浩書般舟寺元隱禪師塔碑在西京今寺不可考于氏以元隱禪師碑入登封則寺亦當在登封

唐廣德禪師碑 〔天下金石志徐浩書在登封

唐甘露寺碑 〔通志金石畧題經嵩山在甘露寺徐浩書

唐中嶽興慶觀主郭元宗碑 〔通志金石畧在西京徐浩書

唐中嶽廟斷碑 〔嵩陽石刻記按陳文燭記云中嶽廟碑刻

百數有斷碑徐浩八分書蓋未詳撰人名氏而季海八分

當與紀聖德碑並傳今訪之廟中不復得

按通志金石畧列徐浩所書無中嶽廟碑陳文燭所見斷碑或在他處移在嶽廟耳

唐永泰寺碑頌 〔存 〔金石文字記沙門靖彰撰荀望行書天寶

十一載閏三月今在嵩山永泰寺 〔嵩陽石刻記書法肥

重不甚雅馴

唐少林寺還天王師子記存金石文字記天寶十四載碑載

久視年間僧義獎等狀及武后口勅碑小非名筆故諸錄

遺之葉非叔官登封而石刻記亦不載余至少林周行廊

廡見此石嵌置東廡壁間亟搨得之知考古必須親閱也

唐測影臺記佚通志金石畧在西京

唐永泰寺鐘銘佚金石錄崔巨瑛房集書大歷元年十二月

唐會善寺戒壇勅牒存金石文字記行書大歷二年十一月

任嵩山會善寺西上層刻中書奉勅牒中層刻沙門乘如

進中層刻代宗御書批答二十四字碑文准字本當作

準宋周必大二老堂雜志曰勅牒準字去十為准或為本

朝因寇準為相而改胡三省通鑑注亦云本朝寇準為相

自吏避其名凡文書準字皆去十後因而又云曾公亮蔡京父皆名準而避其實不然予見唐

告已作准又考五代堂判亦然頃在密院令吏用準字既

而作相又令三省如此寫至今遂定今據大歷時牒已用

准字則知此字自取省筆果若益公之言而果為準字則

未見後人之遵用也廣韻二字並收高陽石刻記碑刻

會善寺後寺僧苦於求搨凡石上會善寺三字皆推去棄

之寺西荒草中傳太常物色得之仍立戒壇之左又按書

史稱代宗留心翰墨於行書益工論其筆力非有太宗元

宗超邁之氣然亦有足觀者此敕為行書於嚴圓穩固自可珍

按碑稱抽東都白馬寺僧某敬愛寺僧某同德寺僧某奉國寺僧某香谷寺僧某白馬敬愛見寺觀其同德奉國香谷三寺今不可攷

唐陽城太守趙公真碑 佚 通志金石畧韓擇木八分書

唐大證禪師碑銘 存 金石錄王緝撰徐浩行書 歷四年三

月 嵩陽石刻記徐浩大證禪師碣在嵩山 佚

書家有名黃山谷嘗云季海長處正具其實不書史稱其鋒藏畫心力出字外得意處精妙在楷法今觀此書結搆整瞻秀逸天

書並垂不朽惜剥落已甚文不可讀

按碑作大證金石錄作大證誤今碑在嵩嶽寺後畝側荒坡中題云大唐東京大敬愛寺故大德大證禪師碑銘徐浩書

唐梵綱經心地戒品 存 金石文字記高堅正書大歷十二年

正月今在嵩山會善寺一碑兩面 嵩陽石刻記梵綱經

碑兩面刻正面分八層每層分兩半頁每半頁二十一行字多剥落按袁宏道記云古碑刻完好者菩薩戒經据此則中郎遊時碑尚完好距今未久乃遂剥落如此

唐修嵩嶽中天王廟記 佚 金石攷建中元年韋行儉撰

按天下金石志有唐修中嶽廟碑李芳郁書說嵩載唐修嶽廟記有二一韋行儉撰一李方郁撰碑佚不可攷

唐登封修縣記佚金石錄劉深撰徐頊正書貞元八年

唐會善寺戒壇記存金石文字記陸長源撰陸郢八分書并

篆額貞元十一年七月在大歷勅牒碑之陰嵩陽石刻

記袁宏道稱其隸法道逸今觀其書雖遜潘碣然筆頗秀

健無明皇時肥重習氣陶宗儀書史會要亦稱郢善書

唐顧少連張式嵩山聯句佚金石錄正書貞元十二年十二

月

唐少林厨庫記存金石錄顧少連撰崔灑正書金石文字

記貞元十四年今在少林寺嵩陽石刻記灑在當時亦

有書名筆法近拙而頗古穆

唐大智禪師碑存金石錄張和靖撰八分書姓名殘缺元和

二年七月

按張和靖宜作張宏靖說嵩碑在嵩嶽寺後與大
證碑並欲因荒坡中強牛剝蝕道士盧元卿書

唐天封觀石柱題名佚集古錄韓退之題名在天封宮石柱

上刻之天聖中余為西京留守推官與梅聖俞游嵩山入

天封宮徘徊柱下而去金石錄韓退之題名在嵩山天

封觀柱蓋退之自書又一本與石洪等題名在洛陽福先

寺乃同遊者所書爾金石攷元和二年

唐登封盧殷墓銘金石攷元和五年韓愈撰

唐會善寺記佚金石錄王疑撰并行書元和九年八月

唐岑禪師舍利塔碑有金石攷碑在會善寺唐太和二年立

□□撰高通理書題曰岑禪師舍利塔字漫漶不可讀揚

唐嵩高靈勝詩存嵩陽石刻記題云府尹王侍郎准制拜嶽

因狀嵩高靈勝寄呈三十韵太和三年尉遲汾書在申嶽

廟壁後有宋王紳跋云余被詔禱雨嶽祠獲是石于圮墻

之下遂移置壁間熙寧丁巳中侍大梁王紳袞儀按詩內

小註稱白虎通為白武通避廟諱也嶽廟楷書此為第一

按題詞則靈勝詩乃王尹撰尉遲汾書金石文字記作尉遲汾撰誤

唐少林寺詩 金石攷上截太和九年河南尹鄭澣五律詩

一首下截會昌五年河南尹盧貞題名又開成元年李紳

題少林寺詩

唐大智禪師塔銘佚天下金石志吳承嗣書在登封 墨池

編碑在嵩山

按金石畧有兩大智禪師碑一胡霈然書一史維則入分書俱在西京但西京所該甚廣非即登封之大智禪師碑也金石錄亦有兩大智禪師碑一為天寶十一載嚴浚撰胡霈然集王右軍書一為開元二十四年嚴復撰史維則八分書碑陰陽伯成撰史維則八分書與金石畧所紀兩碑書人姓名合當為西京碑無疑而金石文字記列大智禪師碑書撰年號有與金石錄史維則八分書同者乃在西安府儒學則金石畧謂史維則大智禪師碑在西京者誤也

唐潘尊師碑頌佚金石文字記陳子昂撰石今無存

唐中嶽劉真人碑佚天下金石志盧鴻八分書人金石攷石

林草堂圖序曰盧鴻一盖三名與中嶽劉真人碑所書合
真人盖道合也今碑無存

唐少室東巖題名 金石攷在少室摘星巖白樂天題名其

上有詩曰東巖最高石惟我有題名

唐陽城石表 存 金石攷告成測景臺石表題曰周公測景臺

唐遣太史監南宮說刻陽城石表即此字徑尺亦剝落矣

唐告成斷碑 存 金石攷在測景臺左僅存大唐洛州登封縣

七字不可搨

唐楊植許由廟碣 佚 嵩陽石刻記許由廟有嘉靖間登封令

侯泰重立碑載楊植許由廟碑文末跋云侯令邑三載登

箕山歎許由廟無碑記蒐遺文於深土而石已碎遂命屬

隸鑄鐫今原碣碎石無復存者

唐潁陽令廳記 墨池編無書撰人姓氏

宋重修中嶽廟記 存 嵩陽石刻記乾德二年駱文蔚撰并書

在中嶽廟按乾德為趙宋初年去唐未遠此書雖似稍拙

然瘦樸有骨畧似歐陽率更

宋會善寺重修佛殿碑 存 嵩陽石刻記王著撰王正已行書

書史云宋有兩王著善書者字知微官終侍書而翰林學

士王著自是一人今稱學士而書屬王正已其非知微可

知矣此書雖法聖教序懶散少骨氣

宋嵩嶽中天王廟碑

存

并州山人臺嵩嶽中天王廟碑盧崖

州撰有唐季衰蕪之風孫崇望蓋以書待詔者運筆固圓

熟母乃通微院體之遺耶

金石攷開寶六年

宋中天崇聖帝碑銘

存

嵩陽石刻記天中祥符七年王曾撰

白憲奉勅書并篆額在中嶽廟

宋中嶽醮告文

存

嵩陽石刻記中嶽醮告文天禧三年真宗

御製翰林待詔賜緋臣劉太初奉勅書并篆額刻於石幢

八面在中嶽廟峻極門外其書有唐人風致又宋諸奉勅

碑皆御書院祇候刻字設有專官以供其事前代所無

宋重修嶽廟碑

存

金石攷乾興元年陳知微撰邢守元奉勅

書

按碑與孫崇望書
同立崇聖門外

宋嵩陽宮石柱題名

存

金石攷書院石柱刻宋皇祐間上官

士衡等題名餘如陳等蘇舜元趙士宏等嘉祐間錢

袞等陳知雄等熙寧間邢恕祖無擇等張起等焦通等陳

知儉等元豐間束端卿等崇寧間張克蒙等李孝稱文及

甫大觀夏聖求等政和唐通叟等邢儻等宣和間何棗馬

雲夫諸題名已上二十條刻於嵩陽書院石柱柱八面上

蓋下礎當日必有數柱今僅存耳

按嵩陽石刻記嵩陽石柱有無書各一條題云余與子
由攷試西洛進士畢同遊二室諸寺最後過天封精思

觀道子畫遂行熙寧五年九月十日也袁宏道以為稱子由不以氏語氣酷似大蘇是時子由以忤安石出為河南府推官而子瞻送杭州進士詩序有云熙寧五年錢塘之士貢于禮部者九人十月乙酉晏于中和堂公是年監試杭州不應復至洛也其人定佳士當是西京教授王平甫輩耳

宋文潞公題名存嵩陽石刻記石刻潞國公文彥博嘉祐庚

子三月十八日游張景儉王起陸經從游其潞國公文彥

博六字乃大筆筆頗重拙在文昌宮壁

按文昌宮傳前所建存古書院也傳嘗在來嵩山麓從荆棘中見古人尺碣即移置存古書院嵌于堂壁潞公題名外又有大觀庚寅張果和甲午康厚成成王鄧等題名三石後葉井叔併按置嵩陽書院講堂壁

宋文潞公少林寺詩存嵩陽石刻記嘉祐五年燕若壯立石

按文氏停雲館帖載公書與此不似公為有宋名臣書史

稱其筆勢清勁不媿古人且詩亦可誦

宋翊聖真君秘語存嵩陽石刻記嘉祐五年七月三日崇福

宮立石今在文昌宮無書人姓名筆法似顏魯公

按說高真君石碣下鐫退之觀二字必唐時已有其石宋人摹刻之耳

宋大理寺丞楊君墓誌銘 金石攷嘉祐八年王安石撰

宋真武經碣存嵩陽石刻記元符二年宋傅書宋未有名而

其書秀雅可觀頗似趙文敏且嵩碑記絕無小正書錄之

按碣在嵩陽書院講堂西壁上方真武像武宗孟書

宋少室三十六峯賦存嵩陽石刻記建中靖國元年樓異撰

武林僧曇潛參寥書按異有太室二十四峯詩殊不足觀

而此賦敘述詳贍可備參考書亦不惡

金石攷參叟書

三十六峯賦極類東坡

宋聖竹林寺羅漢洞記

存

嵩陽石刻記羅漢洞記宋崇寧元

年釋有挺撰王道書原碑今在嵩嶽寺塔砌下小正書破

壞強半字亦模糊後重刻於金大定二十九年僧淨浩跋

廣真書在會善寺

宋面壁塔碣

有

嵩陽石刻記蔡京書面壁之塔四大字在少

林寺題云太師魯國公京署書宣和壬寅八月資政殿學

士河南尹范致虛立石按書史稱京書嚴而不拘逸而不

外規矩大字冠絕古今鮮有儔匹今四大字甚佳

按署書八體之一今楷書又都穆記曰達摩庵外石刻

達摩面壁之庵六大字宋蔡卞書或別一石刻不可知

宋陳搏福壽二大字

存

金石攷在治內寅賓館壁兩字耦向

宋第一山三大字

存

考槃餘事第一山米芾行書字方六七

寸奇偉秀麗在盱眙縣少林寺其摹刻者也

宋少林寺達摩頌

存

嵩陽石刻記達摩頌黃庭堅題書字徑

四寸黨錡初祖菴按志稱嵩山有蘇黃書跡今石柱所題

是為妙品

蘇袁中郎已辨其非東坡書矣其山谷書即此

書文塗改

當時有勝名曰史稱其楷法妍媚成一家草書

巖碑

自云於熒道舟中觀長年蕩槳羣丁發櫂乃覺

元祀蘇魏之所到輒能用筆又公集中諸題跋古今人書衡

而精覈亦頗自負今觀此書揮灑如意故足成家

嶽廟碑存 石墨鐫華大定二十二年黃久約撰郝口正

書方整道勁蓋習清臣誠懸而兼運以永興者於金碑中

最為妙品郝史不立傳亦無書名觀其結構王庭筠似不

及也黨懷英號能書乃任篆額不任書知郝書在當時亦

自知名 庚子銷夏記碑文為黃久約撰書者止云臣郝

不著其名石又完好非泐也書法方整道勁大有唐人遺

致 高陽石刻記此碑與宋盧多遜王曾陳知微碑體製

豐崇相等今列立於崇聖門外左右各一四碑之中孫崇

望邢守元所書盧陳碑俱無足取白憲書王碑差勝亦非

上品惟此書結法道勁蒼老可觀雖蹉之唐人書中何多

讓焉

金興福禪院功德記 元遺山集興福禪院在登封縣醴泉

鄉之西保正大中以恩例得今名丁酉之秋見淨文於山

陽予為之記 金石攷按金亡於天興甲午當是正大乙

酉非丁酉也

元純孝伯廟碑存 金石攷至元二年王益撰古今碑刻記作

王沂

按廟在水神里潁源上

元祀嶽廟記 金石攷至元丁丑李謙撰

金石志 金石五

元戒壇茶榜

存

甯州山人藁

元僧溥光書茶榜其辭紫方袍

底語且不得禪悅真味書法風骨頗道勁畧具顏柳及眉

山豫章結法惜胸中無已字骨令天趨流動所書官學士

後贈司徒唐不空三藏且爾無足怪也 嵩陽石刻記至

大二年刻於戒壇寺為石四兩面刻凡八幅今移立在城

西峻極下院

元裕公和尚碑

元裕公和尚碑

存

石墨鐫華福裕無他異行至贈儀同三司

元俗乃爾承旨書不甚如意圓熟有之而姿態不足亦不

及孫德或御服二碑 庚子鈞夏記裕公少林僧也元人

贈大司空開府儀同三司追封晉國公宜當日仁虞院司

鷹者皆帶中書銜也碑為程鉅夫文趙孟頫書稍不及他

碑或摹刻者不及茅紹之耳 嵩陽石刻記延祐元年

元登封縣學記 金石攷泰定丁卯吳炳撰

元蒲察大使察海市詩 存 嵩陽石刻記海市詩末署邱立二

字無名立字鈴元門演道口宗師之印相傳為邱祖碑分

三層刻無年月在崇福宮寇天師傳碑陰按嵩嶽志云金

邱長春世為嵩陽顯族大定初遇重陽真君子海上傳其

道至元己卯太宗以蒲輪起于昊天觀至見上於漠北大

雪山之陽似卽其人也此詩及字皆瀟灑可觀至正四年

元崇福宮碑

存

金石攷梁宜撰

大興縣學碑

元達摩大師碑 金石攷 歐陽元撰康里巒書趙世安篆

元聖旨碑 存 金石文字記 在嶽廟延禧殿前又有至正四年

聖旨碑在宗福宮西其文畧同

元承天宮碑 存 金石攷 碑內載銜名捕盜官次三官次二官

長官先卑後尊不知何義次三次二即主簿縣丞元時命

官之不齊如此

元五祖七軒堂記碑 佚 金石攷 嵩陽觀中所存惟李林甫碑

元五祖七軒堂記碑

明肇正神號碑 金石攷 洪武詔去前代封號稱中嶽嵩山

之神

明王韋詩 存 嵩陽石刻記嘉靖元年王韋題四詩在少林寺

書史韋號南原善書亦能詩

明區大相詩 存 嵩陽石刻記區大相題少林漢栢二詩石在

少林寺

明王士崧詩 存 嵩陽石刻記王士崧題中嶽廟法王寺少林

寺詩各在本廟寺結法窠整

明黃輝詩 存 嵩陽石刻記萬歷壬寅黃輝題遊嵩即事詩在

少林寺公與董宗伯同時齊名續書史稱其楷法鍾元常

亦作行書洵佳筆也

明少林禪師道公碑 存 嵩陽石刻記萬歷三十七年董其昌

撰并書在少林寺宗伯為當世名筆而此書過於豐腴豈其壯年如是耶

明佛偈八碑存金石錄董其昌書在少林寺殿壁字逾四寸

蓋寶林所傳般若多羅偈語達摩者也

明嵩山刑侗題字存再觀祖集踰鐵梁峽危石巉巖洞穴幽

邃室內有邢子愿大書嵩山一覽四字

明袁宏道題字存再觀祖集西巖過淺礪下如砥平白石黑

理有袁郎題墨浪石字

按嵩山太室之半有洞淵門古刻顏回洞三字廣博物志嵩山觀東古柏五株中一株尤大一石刻曰武帝封大將中抱朴子嵩山有石戶戶外有石柱柱上有偃蓋蓋生芝上戶上滴偃蓋中戶上刻石為科斗字曰得服石

蜜芝一斗者壽千歲中嶽廟殿庭有嶽立天中碑俱不詳何代何人書又少林寺有蘇軾畫梅二一豎梅一應枝靈芝碑建中靖國元年少林寺生芝刻石金嶽廟圖繪碑併附此

以上登封

河南府志卷之百十一

金石志六

金石六

永寧 新安 澠池 嵩縣 西京碑附

倉頡陽虛山石刻

金石古文

按河圖玉板云倉頡為帝南

巡登陽虛之山臨于元扈洛汭之水靈龜負書丹甲青文

以授之文提二十八字景刻于陽虛之石室李斯止識八

字曰上天垂命皇辟迭王今已不可尋矣

按升菴云為帝南巡作一句為音去聲言奉黃帝命而代之南巡也亦言黃帝史臣羅莘路史注引河圖玉板靈龜負書以授帝謂倉頡也又通志金石略倉頡石室記有二十八字在倉頡北海墓中土人呼為藏書室周時自無人識逮秦李斯始識八字漢叔孫通識十二字任昉云周人不能辨而斯通識之予不敢信攷二句乃

寇謙所纂黑帝安和國主禁文也據此則或謂永寧陽虛或謂北海墓下皆可存而不論矣

晉石嶠北山石銘佚方輿紀要水經注嶠有盤嶠石嶠千嶠

之山所謂嶠有二陵則石嶠之山也自漢以前率多由此

曹公西侵巴漢惡南道之險更開北山高道山側附路有

石銘云晉太康三年宏農太守梁柳修復舊道大嶠以東

西嶠以西明非一嶠也

唐左散騎常侍王質神道碑金石攷開成二年劉禹錫撰

碑云葬河南府永寧縣洛川鄉史原從舊阡也

金竹林禪院記金石攷正大庚辰元好問撰記云竹林寺

在永寧之白馬原

元轉運使薛公神道碑存金石攷程鉅夫撰在王范鎮北山

之陽

元幽巖禪師碑金石志在永寧縣

元洛西書院記金石攷至元元年程鉅夫撰以上永寧

魏母邱興盛墓二碑佚水經注穀水東逕魏將作大匠母邱

興盛墓南二碑存焉儉父也

隋上柱國韓擒虎碑佚集古錄韓擒虎碑不著書撰人姓氏

而以隋高祖為今上乃隋人所撰碑文屢有虎字獨於名

下去之若避唐諱此不可知也金石錄韓擒虎碑開皇

十五年十月通志金石略同

按歐陽以韓擒虎碑為隋人撰因碑中以隋高祖為今上知之則歐所見碑固無開皇年號也金石錄金石略俱載韓擒虎碑開皇十五年當與歐所見非一碑金石攷以集古錄所言為廟碑而趙鄭所列別為墓碑可知

唐處士張海仙誌畧 金石攷大歷八年令狐士宗撰

唐新安令元瓘頌德碑 金石攷王筠撰

五代漢清河郡太君誌銘 金石攷乾祐三年王德成撰

宋壽昌縣君誌銘 金石攷紹聖二年王瑜撰邑志錢宣靖

公祠久圯明嘉靖間御史宋儀望重修掘土得石為壽昌縣君高氏誌高為殿中丞錢緯配緯為宣靖公之孫今新安無錢氏高誌當在蘇州云云按誌載夫人塋河南新安縣新鄉夷子里暖泉村祔殿中君之塋則在新安明矣

宋萬歲蟾蜍記 金石攷政和二年記云龍澗之津蟾蜍背

生芝草長三寸許凡十五葉葉間復有異草蒙茸蒼翠歲寒不凋樹碑慕容山下

金威顯廟記 金石攷明昌二年馬肅撰并書

元新安尉闕從遺愛碑 金石攷北山樵隱何文淵撰

元爛柯山鐵斧詩 金石攷大德四年張仲壽題并書

元洞真觀碑 金石攷至大二年張仲壽撰并書

明創修甌城記 金石攷萬歷四十六年呂維祺撰

明呂忠節公神道碑 金石攷吳偉業撰 以上新安

唐鴻慶寺碑 存 金石攷聖歷元年又一碑未詳何代

按澠池今揭本有武后時斷碑二日作天作爪金石
放所謂又一碑者末有儀像堂字碑下題名橫連數
字數供養字疑卽金石錄所謂造像碑也造像
碑乃中宗神龍元年其時猶用武后所造字耳

唐澠池縣宗人爲高宗造像碑存金石錄邵昞撰正書無姓

名中宗神龍元年五月

唐澠池縣復南館記佚通志金石略盧元卿隸書元和十四

年

宋小龍門碑記 金石攷至和元年徐無黨撰

宋池池新溝記 金石攷趙瞻撰

金壽聖院珍公和尚塔銘 金石攷大定二十四年沙門孝

小師撰李興益書

元解院寺碑記存金石攷至元二年沙門福書

按碑稱勸請鳳林寺公長老復住韶山十方雲門禪寺
爲國焚修祝延聖壽萬安者後年月鈴空心無字印末
書官名先卑後尊與登封承大宮同姓下各鈴一
小印不書名蓋元時制多如此并摹諸印脩攷

景五 李五 陳一 王五 答海忽都曾遇

童五 韓五 別帖出此印模糊不全

元昭濟侯猷殿舞序記存金石攷至元二年雷豫撰并書

按昭濟侯碑卽雷公廟碑碑署至大三年立金石攷作
至元二年又別列雷公廟碑爲至大二年并誤碑額作
陽文碑末題名澠池縣
主簿王醜女子亦可異

元天壇紫微廟二碑存金石攷一至元七年薛元撰一大德

元年劉偉撰趙守玉書

元興國觀碑存 金石攷大德五年馬光國撰道士完顏王所

一書

元飛騎尉洛陽男楊君世慶碑 金石攷元統三年李木魯

狎撰巉巉書張起巖篆額

元寶泉寺碑存 金石攷至正三年

明曹月川先生祠記存 金石攷孟化鯉撰并書

明元帝廟碑存 金石攷張信民撰張慎思書 以上補遺

晉宋均碑佚 水經注馬懷楡長水出新城西山東逕晉使持

節征南將軍宋均碑南刻字平縣人亦撰宋均碑三

唐元魯山墓銘 金石攷天寶十三載元結撰

唐元魯山墓碣 通志金石略在西京 金石攷建中四年

李華撰顏真卿書李陽冰篆宋鞠承之碣後題語魯山墓

碣在陸渾南四里唐人以人文書篆非常稱四絕碑自五

代亂離陸渾縣廢此地蔚為林莽人跡罕至數十百年始

表而出之剝裂幾斷讀之十得其三四治平元年秋虞曹

王君來治南伊力訪舊本重刊後二年迺得之文安宋公

家體畫備全風烈如在即建石於縣宇又以元次山嘗撰

墓石因復刊於後

唐元魯山琴臺記 金石攷大中八年宋整撰正書無姓名

唐李少尹墓銘 金石攷元和七年韓愈撰

唐監察御史衛府君墓銘 金石攷元和十年韓愈撰

宋伊川丈人墓銘 金石攷治平元年陳繹撰宋文鑑邵堯

夫父諱德新隱居蘇門山往來洛陽自號伊川丈人銘曰

世范陽家伊川卒十月墓乙未神陰原原西南

按明道撰康節墓誌云父諱古與宋文鑑異互見陵墓門

宋右諫議大夫呂誨墓銘 司馬溫公集熙寧四年墓伊闕

先塋

宋邵康節先生墓銘 金石攷熙寧丁巳程明道先生撰

金嵩川創修文廟記 存 金石攷明昌五年王世元撰

元勅賜伊川書院碑 存 金石攷延祐三年薛友諒撰趙孟頫

書在鶴鳴鎮下截磨損此與裕公碑刻手不工

元重修文廟記 金石攷至正丙戌曹秉彝撰

元張左丞碑銘 金石攷王弼撰

明伊川書院記 金石攷永樂丙申劉咸撰

明重修兩程祠記 存 金石攷成化戊戌程敏政撰

明建紫芝先生祠碑記 金石攷趙南星撰 以上嵩縣

按各標題下彷彿經義攷例注曰存曰佚其諸從文集採入墓銘與夫不知其存佚者則姑闕如蓋慎之也

西京碑附

通志金石略所載西京唐碑甚多今取其可攷者分

入各縣而甚不可攷者無可附入併附于後

唐程公碑 陸賢書開元二十年

唐劍南東西川鹽鐵青苗租庸等使兼殿中侍御史虢州刺

史嚴公碑 顏頤書元和中

唐啓聖宮臺勅 太子亨題

唐中書侍郎兼黃門侍郎同三品孫公碑

唐荊州都督長史孫公碑 張庭珪書

唐延州刺史贈幽州刺史太常卿孫公碑 開元二年

唐贈齊州刺史崔府君碑 崔平書太中八年

唐陳公碑 疑蕭祐書

唐左衛親府中郎贈左僕射嗣曹王碑 貞元四年

唐左僕射牛公碑 長慶三年

唐邕州刺史邕州經略制置等使贈右散騎常侍裴公碑 鄭還

古書開成五年

唐房州刺史盧府君碑 弟全嗣文並書

唐屯衛將軍東都留守盧府君碑 開元中

唐太原少尹盧府君碑 張文禧書貞元九年

唐歙州刺史郭府君碑 開元十二年

唐散騎常侍黎公碑 嗣子書太和中

唐蘄州刺史靜塞軍使張公碑

唐丞相檢校司空李公碑太和八年

唐明威將軍田府君碑開元二年

唐太子賓客贈尚書令王府君碑周式書大歷中

唐工部侍郎趙公碑王宣書開元十年

唐秦公碑

唐贈太子少師崔公碑

唐廬州司馬劉府君碑開元三年

唐左右衛大將軍衛尉正卿下國公贈羽林大將軍泉公碑

彭果書開元十五年

唐左僕射太子少保陸抗三州刺史贈禮部尚書劉公碑開元三年

唐都督隴右羣牧使贈太僕卿韋公碑天寶十三年

唐真堂記

唐太子翊善鄭公碑徐洪書大歷十三年

唐光福寺塔題名徐現書

唐太子賓客孟簡碑開成元年

唐左羽林軍統制普寧郡王贈太子太保陳府君碑蕭祐書太和五年

唐太原尹贈工部尚書唐公碑盧曉分書

唐工部侍郎起國公碑開元二十一年

唐襄陽李公碑景龍二年

唐清河崔公碑 貞元二十一年

唐太子賓客贈尚書孔府君碑

唐諫議大夫興州司馬王府君碑 天寶元年

唐諫議大夫萬州刺史口公碑 貞元中

唐檢校吏部郎中持節欽州諸軍事范陽盧府君碑 書

唐如雲筠禪師碑 楊遠書

唐鄭州司馬王公碑 景龍三年

唐蕭府君碑

唐杭州刺史李公碑 部恭書

唐懷素草書三帖

唐華夷圖

唐節度使畢公碑 庚惟蔚書 咸通六年

唐魏公碑 太和六年

唐隨州錄事叅軍狄公碑

唐王公碑 分書

唐瀛州刺史王公碑 劉安善書 開元二十九年

唐嘉州羅日令贈鄭州刺史郭府君碑 崔納書

唐徐武臣碑

唐搗練石記

唐韓公井記

唐洛祠志

唐鶴鶴頌

明皇御書

唐二吳論

歐陽詢書

唐封府君碑

唐三品李公碑

唐襄城令贈魏州刺史李公碑

唐左散騎常侍同三品趙郡成公碑

以上四碑薛稷書

唐李府君碑

李邕書

唐潯陽司馬程元封

唐易州遂城縣令康正碑

唐貝州刺史裴公碑

唐陳州刺史陶公碑

唐苗大夫碑

唐太夫人京兆杜氏碑

唐觀音堂記

以上七碑徐浩書

唐濠州刺史顏元孫碑

唐麗正殿學士殷踐猷碑

唐顏君神道碑

唐與郭英父書

唐河南府叅軍贈秘書丞郭揆碑

唐與蔡明經書

唐與李大夫乞米帖

唐華陰等五郡節度使馬公碑

唐與盧八帖

唐故工部尚書蜀郡長史郭福善碑

以上十碑
顏真卿書

唐檢校戶部尚書兼太子賓客高重碑

唐江西觀察使贈禮部尚書羅讓碑

唐宣武節度使太傅侍中鴈門郡王王智興碑

唐陰符經序

鄭澣作

唐衛尉卿李有裕碑

唐檢校金部郎中贈太尉羅公碑

唐贈太尉崔植碑

唐淮南節度使崔從碑

以上入碑
柳公權書

唐彭城郡太夫人劉氏碑

唐鄭國夫人鄭氏碑

唐懷州刺史陶公碑

以上三碑
徐嶠之書

唐東京留守忠懿公李愬碑

沈傳師書

唐統軍劉昌啟碑

唐少保趙公碑

以上二碑
歸登書

唐宣歙觀察使王質碑

唐塔記

唐東都留守令狐楚先廟記

唐邠州節度使贈右僕射史公碑

唐丞相檢校左僕射兼吏部尚書贈司空崔羣碑以上五碑
劉禹錫書

唐著作郎贈太子太保權貞孝公碑鄭餘慶
分書

唐太常卿贈吏部尚書崔忠公碑鄭綱
書

唐贈吏部尚書李公碑

唐寧武節度大使贈司徒韓充碑

唐趙公拜墓碑以上三碑
裴潏書

唐宋州虞城縣令李府君碑

唐大智禪師碑以上二碑
胡霈然書

唐富平縣尉韋器墓誌吳通
微書

唐御幸流盃亭侍宴集詩殷仲
容書

唐桂州都督長史程文英碑

唐趙公碑以上二碑
張庭珪八分書

唐斛斯府君碑

唐御史臺精金銘

唐岷州刺史王君碑

唐工部侍郎李景伯碑以上四碑
梁升卿八分書

唐尚書省石幢記胡証八
分書

唐鄭英齊碑

唐大智禪師義福碑并碑陰以上二碑史惟則八分書

唐三絕碑

唐贈梁州都督徐秀碑以上二碑韓擇木八分書

唐尙書左丞暢悅碑

唐長安縣尉贈祕書監王府君碑以上二碑韓秀榮八分書

唐裴公碑韓秀弼八分書

河南府志卷之二十一終

河南府志卷之一百十一

經籍志一

東都藏書之盛周稱柱下漢美東觀至唐集賢院分爲四庫錦軸牙籤異色以別皆聚海內書于東都不必盡東都人作也其生于斯或久居于斯而壇著作者經白周王孫以下史自司馬談以下子集白老子賈誼以下皆秉河嶽之精發爲文章光于載籍者也至非東都人而爲東都作者亦間附入不能悉載焉志經籍

經部

漢

周王孫易傳佚漢藝文志二篇儒林傳丁寬至洛陽從周

王孫受古義號周氏傳

賈誼春秋左氏傳訓故佚漢書梁太傅賈誼修春秋左氏傳

為左氏傳訓故授趙人賈公為河間獻王博士

杜子春周官注佚晁公武讀書志周官漢永平時杜子春初

能通其讀鄭眾鄭興亦嘗傳受元皆引之以參釋異同云

大夫者興也司徒者眾也

魏

王弼周易注存隋經籍志六卷三國魏志鍾會傳弼好論

辭才逸辨注易及老子為尚書郎年二十餘卒馬

端臨文獻通考陳振孫曰自漢以來言易者多溺於象山之學至弼始一切掃去暢以義理於是天下宗之餘皆廢

按弼字輔嗣山陽人墓在偃師李濂通志藝文載其書目故仍採入

王弼周易略例存隋志一卷新舊唐書合周易注作七卷朱彝尊經義

考邢璣曰略例者舉釋綱目之名統明文理之稱略不具

也例舉並也輔嗣以先儒注二十餘家雖小有異同而迭

相襍述推比所見特殊故作略例以辨諸家之惑錯綜文

理略錄之也項德棻曰王輔嗣周易略例明象辨位二篇

淵乎邃也邢氏稱其總一部之指歸明六爻之得失可以

經天緯地探測鬼神推辟咎悔自博士宗宋而此書塵土

矣沈珩曰輔嗣明卦明爻諸篇舉義明徹不特掃象占之
溺亦出漢經師訓詁之士

王弼周易窮微論佚鄭樵通志一卷國史志王弼論易一
卷大類略例而不及

王弼易辨佚中興書目一卷經義考陳振孫曰世稱王輔
嗣凡為論五篇館閣書曰王弼易辨一卷論象論象亦類
略例意即此書又言此書已亡至晉得之王羲之承詔錄
藏於秘府世莫得見

王弼論語釋疑佚隋志三卷唐志二卷經義考按陸氏釋文於
感焚引弼注云公殿也又逸民注朱張字子弓荀卿以比

孔子

晉

郭象論語體略佚隋志一卷

郭象論語隱佚七錄一卷

唐

徐曠左傳義疏佚唐志六十卷

徐曠左傳音佚唐志三卷舊唐書文遠偃師人博覽五經

尤精春秋左氏傳大業初為太學博士時人稱文遠之左
氏褚徽之禮曾達之詩陸德明之易皆為一時之最文遠
所講釋多立新義先儒異論多定其是非然後詰駁諸家

又出己意博而且辨聽者忘倦武德六年高祖幸國學觀
釋奠文遠時為國子博士發春秋題諸儒設難議起隨方
占對皆莫能屈

劉允濟魯後春秋佚唐志二十卷唐書劉允濟中宗時遷

著作佐郎采魯哀公後十二世接戰國為魯後春秋獻之
允濟嘗曰史官善惡必書使驕主賊臣懼此權顧輕哉而
班生受金陳壽求米僕乃視之如浮雲爾

盧仝春秋摘微通考四卷晁公武曰仝解經不用傳然旨
意甚踈韓愈謂春秋三傳束高閣獨抱遺經究終始蓋實
錄也祖無擇得之於金陵崇文總目所不載吳巖李氏曰

仝治春秋不以傳害經最為韓愈所稱今觀其書亦未能
度越諸子不知愈所稱果何等義也舊聞仝解惠公仲子
曰聖辭也而此乃無之疑亦多所亡逸云

李德裕服飾圖通考三卷晁公武曰共五十五事

史證周易口訣義佚宋志六卷作史文徽通考崇文總目河南

史證撰不詳何代人其書直鈔孔氏疏以便講習故曰口
訣晁公武曰史證口訣田氏乃以為魏鄭公撰誤也陳振
孫曰三朝史志有其書非唐則五代人也避諱作證字

宋

讀崇義三禮圖集注存宋志二十卷讀書志晁公武曰晁

崇義周世宗時被旨纂集以鄭康成阮譔等六家圖刑定
皇朝建隆二年奏之賜紫綬犀帶獎其志學實儼為之序
有云周世宗暨今皇帝恢堯舜之典則總夏商之禮文命
崇義著此書不以近代遷改有所抑揚近古云
通考陳振孫曰盖用舊圖本參定故題集注

劉溫叟開寶通禮 通考二百卷晁公武曰開寶中詔溫叟同李助盧多遜扈蒙楊昭儉賈黃中和峴陳以損益開元禮為之附益以國朝新制朱子語錄曰開寶禮全體是開元禮但略改動五禮新儀其間有難定者皆御製以决之如禱山川者只開元禮內有祖宗時有開通禮科學

究試默義須是念得禮熟是得禮官用此等人為之介甫
一切罷去盡令做大義故今之禮官不問是甚人皆可做
某嘗謂朝廷須留此等專科如史科亦當有

郭忠恕古今尚書 佚 姓譜忠恕字恕先洛陽人仕周為周易
博士宋太宗召為國子監主簿令刑定古今尚書

邵古周易解 存 通考五卷 讀書志古字天叟雍之父也世
本范陽而卒于洛其學先正音文云

种放表孟子 李通志有上下篇

王曙周書音訓 佚 經義考十二卷 宋史王曙字晦叔東皇
子績之後世居河汾後為河南人中進士第咸平中舉賢

良方正科後以工部侍郎叅知政事進樞密使拜同中書門下平章事卒贈太保中書令謚文康

邵子雍古周易

經義考八卷

宋志無見周易會通因革

程子全書先

生之學得之李挺之挺之得之穆伯長推其源流遠有端緒今穆李之言及其行事概可見矣而先生純一不雜汪洋浩大乃其所自得者多魏了翁集眾人以易觀易而滯於易先生以易觀心而得於心其方圓圖皇極經世諸書消息陰陽之幾貫融內外之分蓋洙泗後絕學也

邵子雍太子準易圖

經義考

吳草廬支言載太子準易圖

序晁以道嵩山集亦載當屬康節之作

程子顥

大學定本

存

經義考一卷

黃氏日抄

黃震曰程氏

謂大學乃孔子遺書初學入德之門無如大學者然其詮次與禮記原書不同明道以康誥曰以後釋明字新字止字者聯于首章明德新民止至善王語之下然後及古之欲明明德一章又然後以所謂誠其意以後節節釋之伊川移古之欲明明德一章於前然後及康誥曰一章

程子顥

中庸解

存

宋志一卷

作中庸義

讀書志

明道中庸解陳

瓘得之江濤濤得之曾天隱天隱得之傅才孺云李丙所藏程子顥易傳存通考十卷宋志傳九卷繫辭解一卷程子遺書伊川以易傳示門人曰亦只說得七分後人更須自體究程子高

弟尹公嘗謂易傳乃夫子自著欲知道者求于此足矣不必旁觀他書蓋謂語錄或有他人所記未必盡得先生意又言先生踐履盡一部易其作傳只是因而寫成此言尤有味易傳不看本文亦自成一書易傳明白無難看處但此是先生以天下許多道理散入六十四卦三百八十四爻之中將作易看却無意味須將來作事看卽句句字字有用處耳程先生易傳義理精字數足無一毫欠缺只是于本義不相合易本是卜筮之書程先生只說得一理

程子頤堯典舜典解存宋志一卷

程子頤書說存宋志一卷 讀書志晁公武曰伊川之門人

記其師所談四十餘篇

程子頤詩說 通考二卷晁公武曰伊川門人記其師所談

之經也

程子頤春秋傳存宋志一卷 朱子全書伊川春秋傳中間

有難理會處亦不爲決然之論也 陳亮跋伊川先生之

序此書也蓋年七十有一矣四年而先生沒今其書之可

見者纔二十年世咸惜其缺也予以爲不然先生嘗稱杜

預之言曰優而柔之使自得之饜而飲之使自趨之渙然

水釋怡然理順然後爲得也先生於是二十年之間其義

甚精其類例博矣學者苟精考其書優柔饜飫自得于言

意之外而達之其餘則精義之功在我矣較之終日讀其全書而於我無與者其得失何如也

程子頤大學定本存宋志一卷經義考按伊川改本大學

自大學之道至未之有也下接子曰聽訟吾猶人也至此謂知之至也下接康誥曰克明德至止於信下接所謂誠其意者至則為天下僂矣下接詩云瞻彼淇澳至此以沒世不忘也下接康誥曰惟命不于常至驕泰以失之下接詩云殷之未喪師至亦悖而出下接生財有大道至以義為利也

程子頤論語說通考十卷晁公武曰伊川門人記其師所

解論語也不為文辭直以俚語記之

程子頤孟子解宋志十四卷通考一卷讀書志載程氏

孟子解十四卷大全集止載一卷近思錄及時本無之校之閣本又止載盡信書不如無書一章及反復通考則皆後人纂集遺書外書之有解者也

程子頤河南經說存宋志七卷通考陳振孫曰繫辭說一

書一詩二春秋一論語一改定大學一程氏之學易傳為全書餘經具此

程子頤程氏祭禮通考一卷陳振孫曰程正叔撰首載作

主式

程子頤伊洛禮書佚通考龍川陳氏伊洛禮書補亡序曰吾友陳君舉為余言薛季宣士隆嘗從袁道潔游道潔及事伊川自言得伊洛禮書不及授士隆而死今不知其書在何許伊川嘗言舊修六典已及七分及被召乃止今更一二年可成則信有其書矣道潔之所藏近是惜其書之敗亡不可見也因集其遺言中凡參考禮儀而是正其可行與不可行者以為伊洛禮書補亡庶幾遺意未泯而或者其書尙可訪也

程子頤伊洛遺禮佚通考陳氏序曰伊洛遺禮其可見者惟婚與喪禮僅存其一二以附諸禮書補亡之後夫禮雖先

王末之有可以義起也補亡所集其義也苟精其則當時之所參定者尙可考而闕裂不全之制豈必以是為尊哉記曰禮之所尊尊其義也存其意之可見者以惜其不可見者而已

呂公著孝經要語佚經義考一卷東都事略呂公著字晦叔宰相夷簡子也舉進士累官司空同平章軍國事贈太師申國公謚正獻

邵伯溫周易辨惑宋志一卷
尹焞論語解通考十卷晁公武曰彥明程氏門人紹興中自布衣召為崇政殿說書被旨訓解多採純夫之說朱子

語錄曰論語中程先生及和靖說只於本文上添一兩字甚平淡然意味深長須當子細看要見得他意味方好或問精義中尹氏說多與二程同何也曰二程說得已明尹氏只說出處

經義考解十卷又說一卷

尹焞孟子解存宋志十四卷

通考陳振孫曰尹彥明所著

十四卷不及上而卒

經義考趙希弁曰和靖先生尹侍

講焞所作先生乃伊川之高弟欽宗累聘不赴賜號和靖

紹興初再以崇政殿說書召既侍講筵首解論語以進繼

解孟子甫及終篇而卒此本乃邢正夫刻於岳陽泮宮者

浙江採集遺書曰天一閣寫本此書畧疏各章大義內有

臣聞之師曰者蓋崇政殿說書時所進也

劉絢春秋

通考十二卷晁公武曰劉絢質夫撰絢學于二

程伯淳嘗語人曰它人之學敏則有之未易保也斯人之

至吾無疑焉正叔亦曰游吾門者多矣而信之篤得之多

行之果守之固若子者幾希有李蔡序

中興國史志絢

傳說多出於頤書而頤以為不盡本意故更為之未及竟

故莊公以後解釋多殘闕

玉海作五卷

郭忠孝中庸說

宋志一卷

郭忠孝兼山易解

宋志二卷闕惟大易粹言所載存

郭忠孝四學淵源論

宋志一卷

通考陳振孫曰忠孝名

將樞密達之子自言得先天卦變于河陽陳安民子惠其書出李挺之由是頗通象數仕為永興路提刑死於難其書散逸

郭雍傳家易說 [宋志]十一卷 [採集遺書目]此書係澹生堂寫本經義考云已闕惟大易粹言所載者存今本首尾完足蓋朱氏所未見也雍自序言其父忠孝受業伊州先生二十餘年因述舊聞以傳於家後有隆興甲申曾叔跋

郭雍卦辭旨要 [中興書目]六卷

郭雍著卦辨疑 [經義考]二卷趙希弁曰上卷康節先生撰著法兼山郭先生著數說下卷則辨證也兼山之子雍為

之序謝良齋諤識其後

郭雍中庸說 佚 [宋志]一卷

郭雍春秋說 [李通志]一卷

郭雍兼山遺學 [通考]六卷陳振孫曰河南郭雍錄其父忠孝之遺書前一卷為易著卦次為九圖又次說春秋又次為性說三篇末卷問答雜說忠孝父子世系出處本末

呂本中春秋集解 有 [宋志]十二卷 [通考]陳振孫曰春秋集解十二卷呂本中撰自三傳而下集諸家之說各記其名氏然不過陸氏及兩孫氏兩劉氏蘇氏程氏許崧老胡文定數家而已大畧如杜諤會議而所擇頗精却無自己議

論 朱子全書 呂居仁 春秋亦甚明白正如某詩傳相似
[經義考] 趙希弁曰春秋集解三十卷東萊先生所著也長
沙陳邕和父爲之序

晁說之錄古周易 存 宋志 八卷 通考作十二卷

晁說之太極傳外傳因說 通考 八卷 陳振孫曰其學本康
節自言學京氏易紹聖間遇洛陽楊賢寶得康節二易圖
又從其子伯温得其遺編始作易傳名曰商瞿傳兵火後
失之晚年復爲此書

晁說之易元星紀譜 存 焦竑國史經籍志 一卷

晁說之易規 通考 陳振孫曰說之有易元星紀譜易規二

書見本集中又有傳易 堂記述漢以來至本朝傳授甚詳

晁說之周易音訓 李通志 一卷

晁說之堯典星日歲考 存 經義考 一卷 載嵩山集

元

姚樞等五經要語 經義考 未見

明

曹端孝經述解 經義考 一卷 端自序略曰性有五常而仁

爲首仁統萬善而孝爲先蓋仁者孝所由生而孝者仁所
由行者也是故君子莫大乎盡性盡性莫大乎爲仁爲仁
莫大乎能孝

曹端四書詳說存李通志一卷

白良輔中庸膚見存經義考一卷

孟化鯉讀易寤言存經義考二卷

孟化鯉孝經要旨存經義考一卷

呂維祺孝經本義存經義考二卷

呂維祺孝經大全存經義考二十八卷

呂維祺孝經或問存經義考三卷

呂維祺孝經衍義存經義考維祺自序曰愚既注孝經本義

已復櫛比諸家之同異出入孔傳已亡鄭說無徵唐注浮

譏邢疏繁蕪學士莫知所宗迨夫凍水指解紫陽刊誤庶

河南府志卷之一百十三

經籍志二

史部

司馬談史記存司馬遷自序太史公留滯周南子遷見父於

河洛之間太史公執遷手而泣曰余為太史而弗論載廢

天下之史文余甚懼焉遷曰小子不敏請悉論先人所次

舊聞弗敢闕通考晁公武曰史記一百三十卷乃司馬

遷續其父談書

按周南今洛陽司馬談編次史記正在留滯周南時不傳其稿而遷續父談書為史記創為義例諸正史皆宗

之實談開之也故取以冠史部

虞初周說

漢志九百四十三篇注初河南人武帝時以方

士侍郎隴黃車使者應劭曰其說以周書為本師古曰虞

初洛陽人即張衡西京賦小說九百本自虞初者也

桑欽水經

存通考四十卷晁公武曰桑欽成帝時人本經三

卷後魏酈道元注史稱道元好學歷覽奇書撰注水經行

於世陳振孫曰經云汾水過河東郡永安則前漢彘縣順

帝更名故知順帝以後纂序也國史經籍志水經三卷

郭璞注

按史志史部有地理類併都城宮苑皆附入

晉

陸機洛陽記存隋志一卷

戴延之洛陽記存唐志一卷

楊佺期洛城圖存隋志一卷晉懷州刺史楊佺期撰國史經籍志作

洛陽圖

洛陽宮殿簿存隋志二卷唐志三卷

洛陽記佚隋志四卷

後魏

後魏洛陽記存唐志五卷

隋

隋

隋朝移洛都記

存

國史經籍志一卷

洛陽京城圖

存

國史經籍志一卷

唐

長孫無忌貞觀實錄

存

唐書四十卷

劉知幾史通

存

通考二十卷 晁公武曰劉知幾傳長安神龍

間三為史官頗不得志乃以前代書史序其體法因習廢

置掇其得失述作曲直分內外篇著為評議備載史策之

要當時徐堅深重之云居史職者宜置坐右元宗朝詔其

家錄進上讀而善之前世史部中有史抄類而集部中有

文史類今世抄節之學不行而論說者為多故自文史類

內摘出論史者為史評附史部 陳振孫曰史通者漢封豕

馬遷後為史通子亦兼白虎通之義也

劉知幾高宗實錄

存

國史經籍志三十卷

劉知幾則天實錄

存

國史經籍志二十卷

劉知幾中宗實錄

存

國史經籍志二十卷

張說明皇寶錄

存

唐志二十卷

李通志開元實錄四十卷

張說大衍歷議

存

通考十卷 陳振孫曰唐僧一行作新歷草

成而卒詔張說與歷官陳元景等次為歷術七篇略例一

篇歷議十篇新史志略見之十議者一歷本二日度三中

氣四合朔五卦候六九道七日晷八分野九五星十日食

歷志畧取其要著于篇曰歷本曰中氣曰合朔曰卦候曰日度曰九道曰日食曰五星蓋歷議之八篇而分卦候為二故共為九條其沒滅盈縮晷漏中星三條則皆取之略例餘歷議曰晷分野二篇則具之天文志嘉定辛未辭科用為序題有劉澹如者蓋得其書自詭必在選中而考官但据史文初不知此書尚存於世也以其篇次與史文不合黜之要之史官因此書以述志考官因史志以命題當以書為本參考志之所載乃為全善

李筌中台志 通考十卷晁公武曰唐李筌撰起殷周迄隋唐纂輔相邪正之迹分皇王霸亂亡五類以為鑒戒唐相

以李林甫陳希烈附皇道筌上元中自表天寶初追以綴名云

李筌闕外春秋 通考十卷陳振孫曰唐少室山布衣李筌撰起周武王勝殷止唐太宗擒竇建德明君良將戰爭攻取之事天寶二年上之

杜寶大業雜記 存國史經籍志十卷

劉仁軌河洛行年紀 存通考十卷晁公武曰唐劉仁軌記唐初李密王世充事起大業十三年二月迄武德四年七月秦王擒竇建德第九卷述大業都城第十卷載宮館園囿且云煬帝還都之詔稱務從節儉觀其宮室窮極綺麗云

又陳振孫曰唐志作二十卷

包譖河洛春秋

存國史經籍志二卷記祿山史朝義事

薛圖存河南記

存國史經籍志一卷記元和中平李師道事

李德裕次柳氏舊聞

通考一卷晁公武曰史臣柳芳與高

力士同竄黔中為芳言開元天寶禁中事乃論次號問高

力士李吉甫與芳子晁貞元初俱為尚書郎嘗道力士之

說吉甫每謂其子德裕言歲祀既久遺藁不傳但記十七

事後文宗訪力士事於德裕德裕編次上之多同明皇雜

錄

李德裕兩朝獻替記

通考三卷晁公武曰德裕相文宗武

宗錄當時奏對議論

李德裕會昌伐叛記

國史經籍志一卷記相武宗破回鶻

平劉稹事

李德裕太和辯謗略

通考三卷先是唐次錄周秦迄隋忠

賢羅讒謗事德裕覽之不悅後憲宗以為善命令狐楚等

廣之成十卷大和中文成上之陳振孫曰李德裕以令狐

楚所著刪其繁蕪益以唐事裁成三卷集賢裴璘為之序

元和書今不存邯鄲書目亦止有前三卷

國史經籍志作元和辯謗錄

張謂長沙風土碑

通考一卷孫振孫曰唐潭州刺史河南

張謂撰前有碑銘後有湘中記載事跡七十件

蔣偕等文宗實錄

唐書本傳大中八年與盧耽牛叢王胤

盧告撰次文宗實錄

河南東齋史目

唐志三卷

韋述兩京新記

唐志五卷

韋機東都記

國史經籍志二十卷

洛陽京城圖

國史經籍志一卷

東京宮禁圖

國史經籍志一卷

盧鶴嵩山記

唐志一卷 天寶人

趙肅等周律

唐志二十五卷

芝田錄

通考一卷晁公武曰敘謂嘗憇緱氏故取嵩岳西

征賦名其書記 隋唐雜事未詳何人總六百條

王仁裕入洛記

通考一卷晁公武曰仁裕隨王衍降入洛

陽記在返塗中事

五代周

江文秉入洛私書

存國史經籍志十卷記同光至顯德事

宋

劉溫叟後唐廢帝實錄

存通考十七卷陳振孫曰張昭尹拙

劉溫叟撰蓋本撰周祖實錄以其歷試之跡多在漢隱帝

時故請先修隱錄因併及前代云

劉溫叟周太祖實錄

存國史經籍志三十卷

王曙唐書修問

李通志十卷

錢若水太宗實錄存通考八十卷晁公武曰至道三年命若水專修不隸史局若水即引柴成務宋度吳淑楊億為佐咸平元年書成上于朝起即位止至道三年丁酉三月凡二十年初太宗有馴犬常在乘輿側及崩犬輒不食李至常作歌紀其事以遺若水其斷章曰白麟赤馬君勿書勸君書此懲浮俗而若水不為載呂端雖為監修而未嘗泣局書或署端名至挾其事以為專美若水援唐朝故事若此者甚眾時議不能奪世又傳億子娶張洎女而不終故洎傳多醜辭嗚呼若水及億天下稱賢尚不能免於流議

如此信乎執史筆者之難也

司馬光資治通鑑

通考通鑑二百九十四卷目錄三十卷

考異三十卷晁公武曰治平中司馬光奉詔編集歷代君臣事迹許自辟官屬借以館閣書籍在外聽以書局自隨至元豐七年凡十七年始奏御上起戰國下終五代凡一千三百六十二年又略舉書目年經國緯以備檢閱別為目錄參考異同俾歸一途別為考異各一編公自謂精力盡于此書高氏緯略曰公與宋次道書某自到洛以來專以修資治通鑑為事於今八年僅了得晉宋齊梁陳隋六代以來奏御唐文字尤多自前秋到今已二百餘卷至大

歷末年向後卷數又須倍此更須三年方可成温公居洛十五年故能成此書

按温公史部數種不悉載惟載居洛所成之書

司馬光通鑑舉要歷 通考八十卷晁公武曰公惠本書浩

大故著此

張齊賢洛陽縉紳舊聞記 通考十卷陳振孫曰錄張全義

治洛事甚詳

張齊賢孝和中興故事 宋志三卷

宋敏求河南志 存 通考二十卷晁公武曰敏求以韋述兩京

記為未脩演之為河南長安志司馬光為之序以為考之

韋記其詳不啻十餘倍開編粲然如指諸掌真博物之書

呂夷簡等三朝國史 存 通考一百五十卷晁公武曰皇朝國

史紀十卷志六十卷列傳八十卷呂夷簡等撰初景德中

詔王旦先文元楊億等九人撰太祖太宗兩朝史至天聖

五年詔夷簡宋綬劉筠陳堯佐王舉正李淑黃鑑謝絳馮

元加入真宗朝史王曾監修會罷夷簡代八年書成計七

百餘傳比之二朝寶錄增者大半事覈文贍褒貶得宜百

世之所考信云

富弼三朝聖政錄 存 通考一卷晁公武曰皇朝富弼上言乞

選官置局將三朝典故編成一書即命王洙余靖孫復歐

陽修編修分別事類成九十六門陳振孫曰其書初名太平故事每事之後各釋其意

富弼青州賑濟錄 通考一卷丞相富文忠公弼青州救荒施行文牘也

富弼奉使別錄 通考一卷陳振孫曰河南富弼使契丹歸為語錄以進機宜事節則具于此錄又一本有兩朝往來書附于末

呂申公掌記 存 通考一卷陳振孫曰丞相申國呂公著晦叔撰在相位所記人材已用未用名姓及事當行已行條目并泐五代春秋 存 通志二卷 讀書志趙希弁曰河

南先生所作由梁太祖開平元年四月甲子迄於周顯德

七年正月甲辰

邵伯溫辨誣 通考一卷晁公武曰辨蔡下章惇邢恕誣罔宣仁欲廢哲宗立徐邸事

邵伯溫褒德集 通考二卷陳振孫曰銘其父告命謚議行狀墓誌之屬

呂希哲歲時雜記 通考二卷陳振孫曰希哲正獻公公著之子 周平園序本朝承平歲久斯民安生樂業凡遇節物隨時制宜雖有古有今或雅或鄙所在不同然上而朝廷次而郡國下逮民庶驩娛熙治未嘗虛度則一也侍講

呂公當全盛時食相門之德既日擊舊禮又歷官中外四方風俗皆得周知追記于冊殆無遺者惟上元一門多至五十餘條百年積累之盛故家文獻之餘茲可推矣

宋洛陽宮室記存國史經籍志一卷

關良臣義陽志通考八卷陳振孫曰郡守河南關良臣撰

紹熙二年也信陽軍唐申州所謂申光蔡吳元濟所據竭天下之力以取之者

歐陽修洛陽牡丹記存國史經籍志一卷

周師厚洛陽花木記存國史經籍志一卷

張珣洛陽花譜存國史經籍志三卷

河南府志卷之一百十四

經籍志三

子部

周

老子道德經存通考二卷晁公武曰李耳撰以周平王四十

二年授關尹喜凡五千七百四十有八言八十一章言道

德之旨蓋不幸居亂世憂懼者所為之書乎不然何其求

全之甚也古之君子或知或愚或勇或怯惟其當之為貴

至于成敗生死則以為有命不用智于其間隨其所遇而

處之以道今耳之書則不然畏明之易暗故守之以昏畏

寵之必失故不辭辱畏剛之折則致柔畏直之挫則致曲
 豈非以謂求全也哉人惟有意於求全則遇事而有所不
 敢為有所不敢為則其蔽大矣此老子所以卒列于百家
 也以諸家本參校其不同者近二百字互有得失乙者五
 字注者五十五字塗者三十八字其間徽宗御注最異諸
 本云天下柔弱莫過於水而攻堅強者莫之能先以其無
 以易之也諸本云恬淡為上勝而不美而美之者是樂殺
 人者不可得志於天下矣吉事尚左凶事尚右偏將軍處
 左上將軍處右言以喪禮處之御注作恬淡為上故不美
 也若美必樂之樂之者是樂殺人也夫樂殺人者不可得

志於天下故吉事尚左凶事尚右偏將軍處左上將軍處
 右言居上則以喪禮處之其不同如此

老子陰符內丹經存通考一卷晁公武曰題曰老子說

老子開氣法存通考一卷晁公武曰服氣訣也

老子內觀經存通考一卷晁公武曰述人胞胎魂魄眾神之
 名當諦觀身心俾不染濁穢乃可長存云凡二十二章

莫宏十五篇 漢志陰陽家

子華子存通考十卷晁公武曰程氏名本撰劉向校定其書
 莊子稱子華子藝文志不錄觀其文辭近世依托為之朱
 子曰子華子孔子所與傾蓋而語者好奇之士多喜補之

浮邱公相鶴經存 通考一卷 晁公武曰浮邱公傳於王子晉後崔文學道於子晉得其文藏於嵩山之石室淮南採藥得之乃傳於世

王詡鬼谷子存 通考三卷 晁公武曰鬼谷長於養性治身蘇秦張儀師之此書即授二子者言捭闔之術凡十三章本經持術中經三篇梁陶宏景註隋志以為尹知章注

王詡周易元悟髓訣存 李通志一卷

王詡射覆歌存 李通志一卷

蘇秦三十一篇 漢志從橫家

秦

孔叢子存 函史孔鮒字子魚隱居嵩山之陽陳涉起為楚王聘鮒為博士鮒以目疾辭退乃蒐輯仲尼而下子思伋子上臯子高穿子順慎之言行列為六卷名孔叢子

漢

賈誼新書存 通考十卷 崇文總目漢賈誼傳本七十二篇劉向刪定為五十八篇隋唐皆九卷今別本或為十卷 晁公武曰誼著事勢連語雜事凡五十八篇考之漢書誼之著書未嘗散軼然與班固所載時時不同固紀云掇其切於世者容有潤益刊削無足怪獨其說經多異義而詩尤甚以騶虞為天子之囿官以靈臺為神靈之靈與毛氏殊不

同學者不可不知也

賈誼五曹官制存 [漢志] 五篇陰陽家 [注] 漢制似賈誼所條
伊尹說 [漢志] 五十一篇陰陽家

按伊尹說見漢志
蓋漢人依托為之

魏

王弼老子道德經注存 [隋志] 二卷

王弼老子略論存 [通考] 一卷十有八章景迂云弼有得於老

子而無得於易注易資于老子而老子論無資于易則其
淺深之効可見矣

晉

郭象莊子注存 [隋志] 三十卷目一卷 [唐志] 十卷

郭象莊子音存 [隋志] 三卷

隋

元暉科錄 [隋志] 七十卷

元暉等祕錄 [唐志] 二百七十卷

唐

李筌注陰符經存 [通考] 一卷晁公武曰唐少室山人布衣李

筌注云陰符經者黃帝之書或曰受之廣成子或曰受之
元女或曰黃帝與風后玉女論陰陽六甲退而自著其事
陰者暗也符者合也天機暗合於事機故曰陰符朱子語

錄黃帝陰符經唐李筌為之

李筌陰符元機 通考一卷崇文總目唐李筌撰自號少室

山遼觀子筌好神仙嘗於嵩山虎口巖石壁得黃石陰符

本題云魏道士寇謙之傳諸名山筌雖略抄記而未曉其

義後入秦驪山逢老母傳授

李筌注孫子 存 通考三卷晁公武曰李筌以魏武所解多誤

約歷代史依遁甲注成三卷

李筌天機子 通志一卷

元萬頃列女傳

元萬頃臣軌

元萬頃息災新戒

元萬頃樂書 良世 史藝傳凡誤列女傳臣軌百僚新戒樂書

等九千餘篇 世書

元結猶狎子 存 唐志 文鏡秘府 通志作琦十卷

元結元子 存 唐志十卷

元結浪說 唐志七篇

元結漫說 唐志七篇

元奘心經會解 存 通考一卷晁公武曰唐僧元奘譯作注般

若者華言智慧波羅密多者華言到彼岸僧法藏為之疏

元奘百法論 存 通考一卷

宋

郭忠恕佩觿存通考三卷晁公武曰取文字相類者別其從以檢訛舛上篇論今傳記小學異同極為辨博陳振孫曰忠恕為國子周易博士觿者所以解結也

郭忠恕汗簡李通志八卷

种放蒙書李通志十卷

尹源唐說宏簡錄文翰傳源嘗作唐說及叙兵十篇

邵子雍皇極經世書存通考十二卷晁公武曰堯夫隱居博學尤精於易世謂其窮作易之本原前知來物其始學之睡不施枕者三十年此書以元經會以運經世起於堯即

位之二十一年甲辰終於周顯德六年己未編年紀興亡治亂之事以符其學後又有繫述叙篇其子伯温解陳振孫曰其學出於李之才之才受之穆修修受之种放前六卷自帝堯至于五代天下離合治亂興廢得失雅正之迹以天時而驗人事又四卷以陰陽剛柔窮聲音律呂以窮萬物之數末二卷論所以為書之意窮日月星辰飛走動植之數以盡天地萬物之理述皇帝王霸之事以明大中至正之道其子伯温為之敘系具載先天後天變卦反對諸圖朱子曰易是卜筮之書皇極經世是推步之書又曰康節之學其骨髓在皇極經世其花草便是詩

邵子雍觀物外篇存讀書志邵雍沒門人記其生平之言合二卷雖以次筆授不能無小失然足以發明成書為多故以外篇名之或分為六卷

邵子雍萬物數存浙江採輯書目十八卷嘉靖乙丑陳暹序畧云康節之學俱在皇極經世而經世實用周天之數無所謂軌與策者祝泌經世鈔其傳康節學乃云以字翻切視何聲音配為天地卦而以掛一既濟圖視何元會運世之下得數若干以屬何甲乙數因之以定萬物之興衰纖微曲折推算維艱而世傳康節術應答如響意必有簡便之術若軌策者或其遺法歟經世以千百十配元會運而

軌策與之同法其策以萬一千六百當萬物之數則出於易繫詞是此數或為康節所撰否則宋儒精於易者依托耳按此書大約占斷之法有三種有見物成卦用卦斷事無假於數則若占牡丹占西林寺之類是已有用老陽老陰之數四因之而為策則若答應選答家宅之類是已有用少陽少陰之數四因之而又以少陰少陽所因之數因之而為軌則若占出師占鼓腹之類是已其法雖殊而其發明易理則一也暹號暘谷元居主人

邵子雍大定易數存浙江採輯書目五卷署宋邵雍撰推測星命之術

邵子 雍 漁樵問對 存 通考 一卷 晁公武曰設為問答以論陰

陽化育之端性命道德之奧云

邵伯温皇極經世內外篇解 存 經義考 楊時喬曰伯温學宗

家傳篇解得父精意出處皆當

邵伯温聞見錄 存 通考 二十卷 晁公武曰邵伯温子文記國

朝雜事迄紹興之初序言早以其父之故親接前輩得前

言往行為多類之成書其父雍也

邵博聞見後錄 存 通考 二十卷 陳振孫曰聞見後錄二十卷

伯温子博所作不專記事

程子 顯 性書 存 李通志 一卷

程子 顯 明道全書 存 讀書志 集四卷 遺文九篇 程純公顯字

伯淳之文也太師潞國公文彥博題其墓曰大宋明道先

生程君伯淳之墓弟頤序其所以而刻之嘉定十二年諡

曰純公法所謂中正粹精也淳祐初詔從祀于學封河南

伯此集并伊川集刻于長沙者南軒先生識其後曰右遺

文九篇新安朱熹得之玉山汪應辰者敬授教授何蘊俾

嗣刻之

程子 頤 伊川全書 存 通考 二十卷 晁公武曰崇政殿說書程

頤正叔珦之子也少與其兄顯從汝南周茂叔學元祐初

司馬温公薦于朝自布衣擢說書未幾罷紹聖中嘗謫陪

陵顧務讀經明道深斥詞章之學從其遊者多知名于世
程子頤雜說存通考十卷晁公武曰正叔門人雜記其師之
言

二程遺書存讀書志遺書二十五卷附錄一卷外書十二卷
李顥曰大臨謝良佐游酢蘇昞諸人記二先生語十卷劉
絢錄明道語十卷劉元承楊遵道周孚張繹唐棣鮑若雨
鄒柄暢大隱諸人錄伊川語十三卷附錄則明道行狀劉
立之朱光庭邢恕范祖禹敘述游酢書行狀後呂大臨哀
詞明道墓表伊川年譜張繹祭文胡安國奏狀外書則拾
遺也朱光庭錄二卷陳淵本程氏學馮氏本羅氏本胡氏

本游氏本春秋錄大全集時氏本傳文雜記各一卷朱文
公記其後

韓元吉河南師說存通考十卷陳振孫曰尚書顧川韓元吉
無咎以河南雅言伊川雜說及諸家語錄為十卷以尹和
靖所編為卷首不如遺書之詳訂也

郭雍問答雜說 李通志一卷

郭雍性說 李通志一卷

釋鑿聿韻總 通考五篇洛陽僧鑿聿撰歐公序畧曰文字
之學儒者之所用其聲形曲直毫釐之別音嚮清濁相生
之類五方言語風俗之殊儒者莫暇精之其有精者則往

往不能乎其它是以學者莫肯捨其所事而盡心乎此所謂不兩能者也必待乎用心專者而或能之洛僧鑒聿爲韻總五篇推子母輕重之法以定四聲考求前儒之失辨正五方之訛顧其用心之精儒者莫能難之鑒聿通于易能知大演之數又學乎陰陽地理黃帝岐伯之書其尤盡心者韻總也

明

曹端太極圖說述解

存

明史藝文志一卷

曹端自序太極

者象數未形而其理已具之稱形器已具而其理無朕之目是生兩儀則太極固太極兩儀生四象則兩儀爲太極

四象生八卦則四象爲太極推而至于六十四卦生之者皆太極焉蓋孔子而後論太極者皆以氣言老子道生一而後乃生二莊子師之曰道在太極之先列子渾論之微周子啟千載不傳之秘則孰知太極之理而非氣也哉

曹端夜行燭

存

浙江採輯書目一卷十五篇謂人處流俗中

如夜行視此則燭引之於前矣有萬歷癸卯李汝華跋

曹端理學要覽

存

明史二卷

曹端月川語錄

存

明史一卷

曹端尤文語錄

存

明史二卷

曹端家訓輯略

存

李通志一卷

尤時熙擬學小記存浙江採輯書目八卷時熙師事劉晴川晴川言事下獄時書所疑于獄中質之書大指以道理於發見處始可見白沙靜中端倪為非旁及象緯五行分經疑格訓通解質疑禠著記問凡六門

趙迎範圍數存浙江採輯書目二卷明工部主事趙迎撰與易冒等書同類有嘉靖壬辰自序云會粹術數家言刪煩正訛別之以類前圖式門次起例門又次源流格類等門凡分門十五可以依經考斷應驗如神

呂維祺存古約言存浙江採輯書目六卷凡十三篇酌取家禮以下諸書為條例注釋而以箴誡格言附焉維祺在南

都立豐芑大社歸又立伊洛社修復孟雲浦講會中州學者多從之

呂維祺字韻同文日月燈三十卷存韻約二十五卷存

呂維禔切韻正指一卷佚

呂維禔經書音義一卷佚

國朝 浙江採輯書目二卷

耿介中州道學編 浙江採輯書目二卷耿少詹撰自宋程

子迄近時陳榕止並有補編

耿介理學要旨四卷

景日珍高崖學凡六卷

景日珍高屋尊生書十九卷

姚爾申日知錄

孫雲霞六書秦餘

呂復恒字學漸疑一卷

呂澹曾詩經叶音二卷 韻可二十四卷 力園談醫一卷

呂宣曾古宮室名制考一卷 古冠裳圖考一卷 古鄉飲

圖考一卷 讀禮說三十六卷 狃民兩便案畧一卷

呂公溥宗祠祭規一卷

董一鶴從事錄二卷

河南府志卷之一百十四終

河南府志卷之一百十五

經籍志四

集部

漢

賈誼集存 唐書二卷 國史經籍志四卷

賈誼賦 漢志七篇

錦華賦 漢志九篇

雍陽歌詩 漢志四篇 五從善詩 麟頌之 擬垂白篇

河南周歌詩 漢志七篇

河南周歌聲曲折 漢志七篇

河南府志 經籍志四

潘勗集存 隋志正卷

三國志存 隋志正卷

郤正詩賦存 蜀志本傳 正所著詩論賦之屬垂百篇國史經籍志集

晉書存 隋志正卷

潘岳集存 國史經籍志十卷

郭象集存 隋志二卷唐書國史經籍志併五卷

潘尼集存 隋志十卷

新晉書存 國史經籍志十卷

後魏志存 國史經籍志十卷

孝文帝集存 國史經籍志四十卷

唐

呂向等文選注存 唐書文藝傳 向嘗以李善釋文選為繁

與呂延濟劉良李鏡周翰等更為詁解時號五臣注

劉允濟集存 唐志二十卷

元希聲集存 唐志十卷全唐詩傳三十卷

杜審言集存 唐志十卷

富嘉謨集存 唐志十卷

吳少微集存 唐志十卷

張說集存 唐志三十卷 通考 晁公武曰燕國公說為文精

河南通志 卷之百五 經籍志四

壯長於碑志朝廷大述作多出其手嘗典集賢圖書之任
論撰國史晚謫岳州詩益愴惋人謂得江山助陳振孫曰
說與蘇頲號燕許大手筆

張說燕公外集存國史經籍志一卷

張說洪厓先生傳存李通志一卷

張說梁四公記存李通志一卷

孫逖集存唐志二十卷

張均集存唐志二十卷

賈至集存通考十卷晁公武曰至知制誥從駕幸西川當撰
侍位冊既進藁上曰先天誥命乃爰為之今茲冊命爾又

為之兩朝大典出卿父子可謂繼美矣大歷中終散騎常
侍集李邕鄆淑家本蘇弁編次常伸孺為之序以墓銘序
碑列于後今亡其半矣蘇子瞻嘗行呂惠卿責詞有元兇
在位之語仇人乃曰世惟宋太子劬謂之元兇因誣其指
斥殊不知曹子建詩有曰元兇是率至集制誥中有除魏
仲犀徐歸道詞亦以元兇指祿山是豈獨劬為元兇耶世
多疑子瞻失詞因表出之陳振孫曰唐志集二十卷別集
十五卷李淑書目云至集有三本又有十卷者有序今本
無序中興館閣本亦同

杜甫集存唐志六十卷又小集六卷樊晃集通考杜工部

集二十卷集外詩一卷註杜詩二十卷蔡興宗編杜詩二十卷趙次公註杜詩二十卷晁公武曰唐杜甫子美審言之孫元宗朝獻太清宮享廟郊奏賦三篇使待制集賢院宰相試文再遷左衛率府曹終於劍南叅謀檢校工部員外少與李白齊名時號李杜數當寇亂挺節無汙爲歌詩傷時撓弱情不忘君人憐其忠集有王洙原叔王琪君玉序本朝自原叔以後學者喜觀甫詩世有爲之註者數家率皆鄙淺可笑有托原叔名者其實非也呂微仲在成都時嘗語其年月近時有蔡興宗者再用年月編之而趙者又以古律詩雜次第之且爲之註兩人頗以意改

定其誤字云陳振孫曰蜀人郭知達集九家注世有稱東坡杜詩故事者隨事造文一一牽合而皆不言其所自出且其辭氣首末出一口蓋妄人依托以欺亂流俗者書坊輒勦入集注中殊敗人意此本獨削去之最爲善本朱子語錄曰杜詩初年甚精細晚年橫逸不可當只意到處便押一箇韻如自秦州入蜀諸詩分明如畫乃其少作也人多說杜子美夔州詩好此不可曉夔州詩却說得鄭重煩絮不如他中前有一節詩魯直一時固有所見今人只見魯直說好便却說好如矮人看場耳杜詩最多誤字本中正異固好而未盡其嘗欲廢之作杜詩攷異竟未暇也如

風吹蒼江樹雨灑石壁來樹字無意思當作去字無疑去字對來字又如蜀有漏天以其西北陰盛常雨如天之漏也故杜詩云鼓角漏天東後人不曉其意遂改漏字爲滿字似此類極多

元結篋中集存唐志一卷

元結奇章集存唐志四卷

元結文編存唐志十卷 浙江採輯書目元次山集十三卷

與唐志不合公武稱其辭義幽約譬古鐘磬不諧于俚耳而可尋玩在當時名出蕭李下至韓愈稱唐之文人獨及結云

元結拾遺存國史經籍志一卷

孟雲卿集存宏簡錄文翰傳雲卿詩當時古調無能出其右者高仲武爲著格律門論及譜一篇以攝其體貌

于休烈集存唐志十卷

獨孤及毗陵集存唐志二十卷 讀書志及洛陽人天寶十

三年舉洞曉元經科代宗初爲太常博士舒濠二州刺史政最徙常州卒于官及幼有成人之量徧覽五經觀其大義而非章句學爲文以立憲誠世褒賢遏惡爲用長於議論唐實錄稱韓愈師其爲文云集門人有李舟梁肅前後

序末載崔祐甫碑誌

竇叔向集存唐志七卷通考陳振孫曰包何為序羣序牟

鞏皆其子也

武元衡臨淮集存通考二卷晁公武曰元衡工五言詩好事

者傳之被於管絃嘗夏夜作詩曰夜久喧暫息池臺惟月

明無因駐清景日出事還生翌日遇害舊有臨淮集七卷

此其二也議者謂唐世工詩宦達者惟高適宦達詩工者

惟元衡陳振孫曰初用莆田李氏本傳錄後以石林氏本

校益六首及李吉甫唱酬六首川本作二卷唐志十卷

武儒衡集存唐志二十五卷

武儒衡制集唐志二十卷

張謂詩集存全唐詩傳一卷

盧仝玉川子集存通考一卷晁公武曰仝隱少室山號玉川

子徵諫議不起唐史稱韓愈為河南令愛其詩厚禮之嘗

作月蝕詩以譏元和逆黨愈稱其工按其詩云元和庚寅

盖五年也憲宗遇弒在十年後十歲也豈追憶庚寅歲事

為詩乎不然則史誣也後死于甘露之禍陳振孫曰凡三

卷其詩古怪而女兒曲小婦吟有所思諸篇輒嫵媚豔冶

其第三卷號集外詩凡十卷慶歷中有韓盈者為之序川

本止前一卷

祖詠詩存唐志一卷李通志駕部詩十卷

韋應物詩集存唐志十卷

梁肅集存唐志二十卷

劉方平詩存唐志一卷

孫季良正聲詩集宏簡錄儒學傳三卷

劉禹錫集存讀書志三十卷外集十卷貞元九年進士登博

學宏詞科貶朗州司馬元和十年召還欲任以南省郎作

元都觀看花詩譏忿當路出爲播州刺史裴度以母老爲

請得易連州入爲主客郎中復作游元都詩詆權近俄分

司東都遷賓客會昌時加檢校禮部尙書卒禹錫少工文

章特才而廢老年寡所合乃以文章自適素善詩晚節尤

精白居易推爲詩豪嘗言其詩在處應有神物護持禹錫

早與柳宗元爲文章之友稱劉柳晚與居易爲詩友號劉

白雖詩文似少不及然能抗衡二人間信竒才也

白居易六帖存通考三十卷晁公武曰以天地事物分門類

爲聲偶而不載所出書曾祖父秘閣公爲之注行于世世

傳居易作六帖以陶家缺數千各題名目置齋中命諸生

采集其事類投缺內倒取之抄錄成書故所記時代多無

次序云陳振孫曰唐志作白氏經史事類一名六帖程氏

演繁露曰白樂天取凡書精語可備詞賦制文采用者各

以門目類粹而總其書爲六帖旣不自釋所以名後人亦

無辨偶閱唐制其時取士凡六科別其所試條件每一事
名一帖其多者明經試至十帖而說文極於六帖白之書
爲應科第設則以帖爲名其取此矣又曰唐制開元中舉
行課試之法帖經者以所習經掩其兩端中間惟開一行
裁紙爲帖凡帖三字視時增損可否不一或得四得五得
六者爲通六帖之名所由起取中帙之多者以名其書期
必中選也

白居易長慶集存通考七十一卷晁公武曰居易於文章精
切然最工詩初頗以規諷得失及其多更下偶俗好當時
士人爭傳雞林國賈相率篇易一金與元微之唱酬故號

元白與劉禹錫齊名號劉白在杭州自類詩藁分諷諭閑
適感傷雜律四類前集五十卷有元稹序後集二十卷自
爲序紀又有續後集五卷今亡三卷予嘗謂樂天進退以
義風流高矣與劉禹錫游人謂之劉白而不陷入司馬黨
中與元稹游人謂之元白而不陷北司黨中又與楊虞卿
爲姻家而不陷牛李黨中嗚呼叔世有如斯之彷彿者乎
獨集後載李崖州貶二絕句其言淺俗似幸其禍敗者余
固疑非樂天之語及以編年書考之崖州貶時樂天歿將
踰年或曰浮圖某作也陳振孫曰長慶集五十卷元微之
爲之序後集二十卷自爲序今又續後集五卷自爲記前

後七十五卷時會昌五年也墓誌乃云集前後七十卷當時預爲誌時未有續後集今本七十一卷蘇本蜀本編次亦不同又有外集一卷往往皆非樂天自記之舊矣年譜維楊李璜德邵所作吳郡守李伯珍諫議刻之余嘗病其疎畧抵牾且號爲年譜而不繫年乃別爲新譜刊附集首白居易金鍼詩格 通考三卷晁公武曰居易自謂與劉禹錫元稹皆以時隱名撮詩之體要爲一格病得鍼而愈詩亦猶是也 蘇登鍼集

元稹長慶集 存 四志一百卷又小集十卷 通考六十卷晁

公武曰元稹初舉制科對策第一拜左拾遺在江陵與崔

潭峻善潭峻以稹歌詩奏御穆宗賞悅除祠部郎中知制誥未幾入翰林爲中書舍人承旨學士長慶二年拜同中書門下平章事稹爲文長於詩與白居易齊名號元和體往往播樂府穆宗在東宮如嬪近習皆誦之宮中呼元才子及知制誥變詔書體務純厚明切盛傳一時有長慶集百卷今亡其四十卷又有外集一卷詩五十二篇皆宮體也

元稹類集 舊唐書本傳 稹著古今刑政書三百卷號類集

元白繼和集 唐書一卷 元稹白居易

獨孤郁集 存 國史經籍志一卷

後唐

李雄鼎國詩

通考三卷晁公武曰雄鞏人同光中遊金陵

成都鄴下各為詠古詩三十章以三國鼎峙故曰鼎國

宋

安德裕文集

宏簡錄本傳四十卷

李九齡集

通考一卷陳振孫曰乾德二年進士第三人

種放集

存

國史經籍志十卷

種放小集

存

李通志二卷

呂蒙正集

存

國史經籍志十卷

錢惟演伊川集

存

通考三卷惟演文集甚多此其河南時所

作全集未見

富弼文集

存

國史經籍志二十七卷

李通志八十卷

通考

劄子集

十六卷奏議十二卷晁公武曰文忠為文章辯而不華質而不俚晁以道為序畧曰人孰不仰公使虜之功上乃拜公樞密副使而公方辭至和未請立皇嗣之功人或未聞公於褒進司徒則一命而不避公聞人語及北事便變色若不欲聞者至青州救災之功平居喜為人道之石介嘗以夔契方公矣而嚴事王沂公薦士後至將相者多矣而最喜劉槩數事皆世所罕知者又曰公於仁宗時言猶雨露也英宗時言猶海潮也神宗時言猶鳳鳴也

富弼天聖應詔集存李通志十一卷

富弼諫垣集存李通志三卷

富弼制草存李通志五卷

富弼表章存李通志三十卷

范仲淹集存通考二十卷別集四卷文正為學明經術鼓慕

古人事業慨然有康濟之志作文章尤以傳道為任事母

至孝姑蘇之范皆疎屈置義莊以賜給之天下想聞其風

采賢士大夫以不獲登門為耻

范仲淹奏議存通考二卷

呂夷簡集存通考五卷陳振孫曰文靖不以文鳴而詩清

潤和雅未易及也

呂夷簡天聖編敕存李通志十二卷

呂夷簡試策存李通志一卷

尹源集存國史經籍志六卷

尹洙集存宋志二十七卷附錄晁志二十卷敏晁志二十七卷讀書

志師魯內剛而外和與人言必辨是非如前世治亂沿

草之變靡不該博人有疑不能通為指畫請說皆釋然自

得尤長於春秋文章自唐末卑弱柳開始為古文天聖初

與穆修大振起之王士正漁洋文墨尹師魯為古文在

歐陽子前予從千頃堂抄得藏本二十四卷詩一卷餘皆

雜文前有范希文序蓋北宋人文章之傳於今日猶得見其全如此集者屢矣惜寫本多魚豕之謬恨不得別本讐對之

汪琬鈍翁類稿尹師魯集跋歐陽公誌尹墓論其文曰簡而有法又曰在孔子六經惟春秋可當其推重如此按湘山野錄錢思公鎮洛一驛館命寮屬各作一文文成謝希深與歐公皆五百字內外惟師魯止用三百八十餘字語簡事備典重有法歐公媿服遂載酒就之通夕講論師魯曰大抵文字忌格弱字冗諸君文格雖高少不至者此耳歐公奮然持此說別作一記更減師魯文廿字而尤完粹師魯謂人曰歐九真一日千里也然則異時誌

墓之言良為此耳

尹洙書判

通考陳振孫曰尹洙天聖二年進士後以安

軍推試書判拔萃科中之前十道是程文餘當為擬卷本

朝惟余安道亦中是科集中有判詞二卷文鑑亦載一二

尹洙皇雅

存淡生堂書目一卷

邵子

雍擊壤集 宋志二十卷 浙江採輯書目有治平丙

午自序元祐六年門人邢恕後序其書為明畢亨校刊

范純仁集

存國史經籍志二十卷

呂公著集

存國史經籍志二十卷

陸經寓山集

存通考十二卷周平園序略曰公與歐陽文忠

公周旋館閣詩文往復相與至厚惜仕不偶陷於朋黨屢起屢仆晚遇裕陵方嚮於用則已晚矣公當古文復興時文忠實與為友其出侔宿州送以詩曰子履自少聲名馳落筆文章天下知開懷吐胸不自疑世路迥窄多弄機鬚毛零落風霜摧十年江湖千首詩為文忠所稱道如此陸經祖宗獨斷 李通志一卷

王曙文康集 天一閣書目十卷

朱光庭奏議 通考十卷晁公武曰光庭元祐中為諫官時所論事也

尹焞和靖集 存 浙江採輯書目十卷洛陽尹焞子漸之孫從

伊川學舉進士策問欲誅元祐黨籍不對而出靖康中賜號和靖處士

朱敦儒巖壑老人詩文 通考一卷陳振孫曰初以遺逸召用嘗為館職既挂冠秦檜之孫埴欲學為詩起希真為鴻臚少卿將使教之

朱敦儒樵歌 李通志一卷

李處權松庵集

陳與義簡齋集 存 浙江採輯書目十五卷

明

曹端月川集十卷

劉健集

薛蕙日錄

明史五卷

薛蕙考功集

明史十卷

陳惟芝乞停礦稅疏圖

明史一卷

閻禹錫自信集

尤時熙西川文集

董堯封集

謝江岷陽集

明史八卷

孟化鯉文集

明史八卷

王邦瑞文集

明史二十卷

河南府志卷之一百十六

祥異志

五氣之運應人事而休咎徵焉孔子作春秋多書之所
以昭天人感應之故垂燭戒也左氏傳又加詳漢儒劉
向京房之徒皆考信于易書孟堅五行志言之深切著
明矣其祥異見于載籍者又何可沒耶第前志多徵引
無據或不關體要茲悉本諸史之脗合于經者志祥異

上古

伏羲德洽上下天應以鳥獸文章地應以河圖洛書乃則象
而作易禮含文嘉天老告黃帝曰河有龍圖洛有龜書帝遊翠

媯之川有大魚出魚沒而圖見擬佐輔河以通乾出天苞洛

以流坤吐地符河龍圖發洛龜書感王者沉禮焉春秋說題辭

伏羲三十二易草木草生月雨降日河沈時龍馬負圖始

畫卦也三墳書至德之世河出丹書洛出綠圖淮南子河神故

出圖洛靈故出書論衡按志負圖河在孟津縣西五里

黃帝出遊洛水之上見大魚殺五能牲以醮之天乃甚雨七

日七夜魚流於海始得圖書今河圖帝視萌篇是也帝王世紀

按水經注在偃師縣伊洛合流處黃帝巡洛龜書赤文成字象軒尚書中侯黃

帝坐元滬閣鳳凰銜書致帝前其中得五始之文春秋緯倉

頤為帝南巡登陽虛之山臨于元滬洛汭之水靈龜負書

丹甲青文以授之河圖玉版按元滬水在永寧縣有造字臺春秋元命苞稱倉頡造字天雨粟

鬼夜哭龍乃潛藏

陶唐氏

堯率羣臣東沉璧於洛退至於下稷赤光起靈龜負書出赤

文成字尚書中侯按宋均曰稷讀為則釋史直作下昊

有虞氏

舜時黃龍從洛水出鱗甲成字舜與羣臣臨觀黃龍五彩諧

舜前符瑞圖帝習堯祀沉書於日稷赤光起元龜負書至於

稷下榮光休至水經注

夏后氏

禹觀於濁河而授綠字尚書中侯禹治水時神龜負文列于背有

數自一至九禹遂因而第之以成九疇孔安國書傳惟十有三

祀王訪于箕子箕子乃言曰我聞在昔鯀陞洪水汨陳其

五行帝乃震怒鯀則殛死禹乃嗣興天乃錫禹洪範九疇

彝倫攸敘書洪範按水經注復載黃帝東巡河過洛修

舜升于首山而導河渚有五老遊焉相謂河圖將來告

帝期知我者重瞳也五老乃翻為流星而升于昂合而

觀之是依古河洛圖書不一出也而見于經者惟邵子

所傳一六北二七南二八東四九西五十坤之河圖戴

九履一左三右七二四為肩六八為足之圖書其真也

數之原文字之祖與然皆中天符瑞劉牧雖以河圖為

洛書洛書為河圖豈能易邵子之旨哉

后癸時伊洛竭而夏亡國語按薛昭曰禹

商

湯在亳東觀於洛降三分孽黃龍雙躍出濟於壇化為黑玉

赤文勒曰元精天乙受神福伐桀克之三年天下悉合尚書

中侯有神牽白狼啣鈎入朝者乃東觀沉璧於洛獲黃魚黑

王之瑞始受命稱王帝王世紀二十有一祀大旱發莊山之金

鑄幣賑民綱目前編二十有四祀大旱禱于桑林以六事自責

雨綱目前編時大旱七年維圻川竭煎沙爛石於是使人持三

足鼎祝山川說苑

帝太戊立伊陟為相有祥桑穀共立于朝一莫大拱帝太戊

懼問伊陟伊陟曰臣聞妖不勝德帝之政其有關與帝其

修德而祥桑枯死史記

帝武丁祭成湯明日有飛雉登鳴耳而响武丁懼祖已曰

勿憂先修政事武丁修政行德天下咸驩殷道復興史記

孔甲田於東陽荇山大風晦盲孔甲迷惑呂氏春秋

周

武王伐紂渡於孟津陽侯之波逆流而擊疾風晦冥人馬不

相見武王瞋目而撫之曰余任天下誰敢害吾意者於是

風濟而波罷淮南子夜濟河時雲明如畫有大蜂狀如丹鳥

飛集王舟因以鳥畫其旗名其船曰蜂舟拾遺記渡孟津中

流白魚躍入王舟王俯取魚長三尺目下有赤文成字言

紂可伐王寫以世字魚文消燔魚以告天宋書符瑞志師尙父

爲周司馬將師伐紂到孟津之上杖鉞把旄號其衆曰倉

兕倉兕者水中之獸也善覆人船因神以化欲令急渡武

王得白魚喉下文曰以予發論衡太公答文王曰望釣得玉

璜其文要曰姬受命昌來提撰爾雜鈴報在齊尙出遊見

赤人自雒出授尙書曰命曰呂佐昌者子宋書符瑞志

成王七年周公與王觀于河洛沈璧禮畢王退俟至于日昧

榮光並出幕河青雲浮至青龍臨壇銜元甲之圖坐之而

去禮於洛亦如之宋書符瑞志

定王十四年成周宣榭火綱目前編按宣榭宣王之廟也

左氏曰天火日灾人火曰火祥異志 四

宣公八年七月日有食之劉向以為楚子伐陸渾觀兵周室之應前漢書五行志按宣公八年定王六年也

靈王二十二年冬十月穀洛闕將毀王宮國語按通志續府志俱作襄王誤

魯昭公二十二年朔日有食之董仲舒以為宿在心天子

之象也後尹氏立王子朝天王居于狄泉三十一年十二

月朔日有食之宿又在心時京師微弱後諸侯果相率而

城周前漢書按昭公二十二年景王二十五年也

敬王元年王居狄泉尹氏立子朝地震釋史八月丁西南宮極

震綱目前編定公十五年八月朔日有食之董仲舒以為宿在

御周室大壞前漢書按定公十五年敬王二十五年也

成烈王二十二年九月陽慶命韓魏趙為諸侯史記

秦

始皇帝祀洛水有黑頭公史記河中出呼始皇來受天之寶乃

與羣臣作歌曰洛水之其色蒼蒼祀祭大澤倏忽南臨

洛濱醮禱色連三光古今樂錄十三年之河南正月彗星見東

方史記

漢

高祖母昭靈后名含始遊於洛池有玉雞啣珠刻曰吞此者

王含始吞之生高祖帝世紀高后四年秋河南大水伊洛溢

沒民舍二千四百餘家漢紀

惠帝二年春雨血於宜陽五行類應七年五月先晦一日日有食

之幾盡在七星初劉向云其占重按占重者書星周分也

景帝三年正月天火燔洛陽東宮大殿城室史記

宣帝本始四年四月地震河南以東四十九郡劉向以為臣

下背畔散落不事上之象也前漢書

成帝建始四年春五月隕石于亳四綱目永始元年二月河南

郡郵亭樹生枝如人頭眉目鬚皆具但無髮耳通鑑

哀帝建平三年冬十一月關東民無故驚走持橐或擲一枚

傳相付與曰行西王母等或被髮徒跣或夜折關踰墻或

車騎奔馳不可禁止至秋乃止綱目

東漢

光武建武三年七月雒陽大旱帝至南郊求雨即日雨後漢書

昭注六年十二月洛陽市火古今注七年六月雒水盛溢至津

城門帝自行水都尉為水所漂民溺傷稼壞廬舍古今注九

月京都地震後漢書十年雒水出造津城門後漢書十七年雒

陽暴雨壞民廬舍傷害禾稼古今注二十二年三月京師郡

國十九蝗古今注二十三年復大蝗旱艸木盡古今注二十四

年正月霹靂火災高廟北門古今注中元元年夏洛京醴泉

湧出赤草生水涯後漢書十一月晦日有食之後漢書按

時王日也又在星紀其占重故書之

明帝永平十六年五月晦日有食之在柳十五度按柳在周分地五月

戊午猶十一月甲子也其占重十七年神雀五色翔集洛京芝草生殿

前後漢十八年牛疫死後漢六月彗星出張通鑑按張周分劉歆以

為日所躔而有變則野之國失政者受之

章帝建初元年北宮火燒壽安殿延及右掖門通鑑三年夏維

陽旱四年夏并旱古今四年冬京都牛大疫後漢

和帝永元二年五月旱皇太后幸雒陽寺錄囚徒即日雨本

六年秋京都旱時雒陽有冤囚帝幸雒陽寺理之行未還

宮澍雨降後漢七年洛都地震通鑑八年九月京都墮十三

宣室殿火後漢十三年北宮盛饌門閣火後漢

安帝永初元年十月河南新城山水蹏出突壞民田壞處水

出深三丈後漢十二月河南郡縣火燒殺百五人古今二

年四月河南城中火焚殺二千五百七十餘人三年五月

京都大風拔南郊道梓樹九十六枚 元初二年二月京

都大風拔樹六月雒陽新城地裂二年七月緱氏地震

三年京都及郡國三十六大風拔樹 四年二月武庫火

燒兵物一百一十五種 六年六月京都郡國四十二地

震或地拆裂涌水敗壞城郭室屋壓人 建光元年京都

及郡國二十九淫雨傷稼 延光元年七月京師郡國十

三地震 二年京都郡國三十二地震 四年冬京都大

疫以上後漢書五行志

順帝永建三年正月洛都地震通志四年河南郡縣失火燒

殺人畜通志陽嘉元年恭陵廡災及東西幕府火後漢書

月京師旱本紀二年四月京都地震六月雒陽宣德亭地坼

八十五丈後漢書三年河南大旱五穀傷災本紀永和元年秋

七月偃師蝗十月承福殿火二年四月京都地震三

年二月京都地震室屋多壞壓殺人漢安元年三月雒

陽劉漢等百九十七家為火所燒數日乃止建康末京

師童謠曰直如弦死道邊曲如鈎反封侯以上後漢書按是時李固暴

屍道路而胡廣趙戒等盡受封侯故童謠云云

桓帝建和元年有蛇見雒京德陽殿時桓帝即位雒陽市令

淳于翼曰蛇有鱗甲兵之象也見于省中將有椒房大臣

受甲兵之誅也其後梁冀以逆誅通志四月京都地震童

謠曰小麦青青大麦枯誰當穫者婦與姑丈夫何在西擊

胡吏買馬君具車請為諸君鼓隴胡後漢紀按元嘉中

中國益發甲卒調發重及有秩鼓隴胡者私咽語也京都童謠曰城上烏尾畢通

公為吏子為徒一徒死百乘車車班班入河間河間姪女

工數錢以錢為室金為堂石上慊慊春黃梁梁下有懸鼓

我欲擊之丞卿怒後漢紀按入河間通靈帝姪女二年

五月北宮掖庭中德陽殿火時梁冀譖殺太尉杜喬通志七

月京師大水 三年六月雷震憲陵寢屋 元嘉元年正月
 月京都大疫 二年二月京都地震京都婦女作愁眉啼
 粧墮馬鬢折腰步齟齬笑此近服妖也 永興二年二月
 京都地震六月京都蝗光祿勳吏舍壁下夜有青氣視之
 得玉鈎玦各一此青祥也鈎七寸二分商數也玦五寸四分
 分徵數也蓋謂人臣引決事者不肅將有禍也 建光元
 年洛都及郡國二十九淫雨大傷禾稼 永壽元年六月
 雒水泛溢至津陽城門漂流人物 按是年天文志云七月
 辰星入太微雒水溢至
 津門夫太微天子廷也辰星入
 其水宜矣乃此云六月誤矣 二年十二月京都地震
 三年六月京都蝗災 延熹元年五月京都蝗蔡邕對策

引易傳曰大作不時天降灾厥咎蝗虫來 四年正月南

宮嘉德殿火二月五庫火五月原陵長壽門火是月京都

雨苞大如雞子 按天文志是時彗
 除心尾故火連作 五年太學門無故自壞

襄楷以為文德將喪教化廢也四月驚馬與逸象笑入宮

殿近馬禍也五月乙亥京都地震 八年二月南宮嘉德

署黃龍千秋萬歲殿皆火緱氏地裂 九年三月京都夜

有火光轉行民相驚譟其年京都長者皆著木履此服妖

也末年京都童謡曰茅田一頃中有井四方纖纖不可整

嚼復嚼今年尚可後年饒 以上後漢書 按茅田一頃言
 羣賢衆多也有井言匱窮不失

法度也不可整言奸慝太熾嚼復嚼者京師飲酒相
 強之詞也尚可言禁錮饒則陳寶被誅天下大壞也

靈帝建寧二年四月京都大風雨雹拔郊道樹十圍已上者百餘枚其後晨迎東西郊逢暴風雨或發蓋百官沾濡

熹平元年四月青蛇見御坐大霖雨七十餘日

校別作中有兩檮其一株宿夕暴長長丈餘大一圍作人

狀頭目鬚髮俱脩秋洛水出

五年十月壬午御所居殿槐樹皆六七圍自拔倒豎根在上其年省內寇狗帶殺

以為笑樂京房易傳曰君不正臣欲篡厥妖狗冠出

時京師賓婚皆作魁榼酒酣之後續以挽歌

六年旱

按後漢書元年六月旱五年夏旱六年又旱
蘇騰夢陟首陽以狀上聞天子開三府請雨使者登
山升龍即降甘雨據此益可見首陽在偃蓋漢去周尚

未遠光
耳 光和元年南宮侍中寺雌雞欲化雄一身毛皆變

但頭冠未改蔡邕曰貌之不恭則有雞禍頭未變是將有

其事而不遂成之象也南宮平城門內屋武庫屋及外東

垣屋前後傾壞六月北宮溫明殿東庭黑如車蓋起長十

餘丈形貌似龍易傳曰蜺之比無德以色親也時司徒長

史馮巡馬生人

按風俗通乃養馬蒼頭好此馬以生子也二年雒陽上西門外

女子生兒兩頭異肩共胸俱前向五月春大疫

以上後漢書三年正月虎見平樂觀又見憲陵上嚙衛士

後漢紀四年六月雨雹大如雞子秋五色大鳥見于新城衆鳥隨之時以為

鳳凰其年雒陽男子夜籠以弓箭射北闕近射妖也 中

平元年六月雒陽男子劉倉妻生男兩頭共身 二年二

月南宮雲臺災庚戌樂城門災 三年八月中懷陵上有

萬餘雀先極悲鳴已因亂闕相殺皆斷頭縣著樹枝枳棘

夫殘者高大之象天戒若曰諸懷爵祿而尊厚者得母還

自稀害乎 四年十二月晦雨水大雷電雹其時日數出

入去地二丈餘正赤如血無光月出入地二三丈皆赤如

血亦數矣其占重 末年京都童謠曰侯非侯王非王干

乘萬騎上北邙 按中平六年史侯登躡獻帝未有爵號為中常侍數十人所執公卿皆隨其後至河

上乃 五年正月日色赤黃中有黑氣如飛鵲 六年二

月白虹貫日 以上後漢書

獻帝初京師童謠曰千里草何青青十日卜不得生 建安

十八年六月大水 按獻帝起居注七月大水上親避正殿八月以雨不止且還殿 是時男

子之衣好為長躬而下甚短女子好為長裙而上甚短莫

嗣以為服妖是陽無下而陰無上也 以上後漢書

三國魏

武帝起建始殿伐濯龍樹而血出又徙梨亦血出 晉書五行志

文帝黃初三年禿鶯集洛陽芳林園池 三國志本紀 四年三月自

宛入洛陽宮月犯中央大星 三國志魏志 六月大雨霖伊洛溢

至津陽城門漂數千家有鵲鵠鳥集靈芝池詩人所謂汚

澤者也 六年正月雨木冰

明帝太和元年秋雷電非常至殺鳥雀 二年四月崇華殿
 災時京師歌墮鈴曹子曰其奈汝曹何 四年八月大雨
 霖三十餘日伊洛河溢歲以凶飢 五年三月自去冬至
 此月不雨辛巳大雩以上晉書 青龍元年六月洛陽宮鞠室災
晉書 二年正月京都大疫三國志魏本紀 十一月京都地震從東來
 隱隱有聲搖屋尾晉書 景初元年春正月洛都凌霄閣始構
 有鵲巢其上通志 六月京都地震九月淫雨 二年廷尉府
 中雌雞化為雄不鳴不將 末年有禿鶯集芳林園池王
 國有大喪以上晉書

晉王正始元年有獻雞雛四翼四足者崔光上表曰漢元帝
 時有雄雞生角劉向以為小臣執政之象 二年有芝生
 于太極殿崔光上表曰氣蒸成菌生于墟落濕穢之地不
 當生于殿堂高華之處今忽有之誠足異也夫野木生朝
 野鳥入廟古人皆以為敗亡之象矣以上綱鑑 九年十一月大
 風數十日發屋折樹十二月晦又甚嘉平中童謠曰白馬
 素羈西南馳其誰乘者朱虎騎按朱虎楚王小字後立彪事發伏誅 四年五
 月有二魚集于武庫屋上此魚孽也按王肅謂邊將殆有棄甲之變
 高貴鄉公甘露三年正月自去秋至此旱以上晉書

晉武帝泰始三年三月大石山崩 七年六月大霖雨河洛伊

皆溢殺二百餘人 九年四月隕霜 咸寧元年七月郡

國螟有青虫食其禾稼八月大風折大社樹有青氣出焉

此青祥也 二年八月河南地震以上晉書五行志 五年九月麒麟

麟產於河南通志 九年正月京都雨雹發屋拔樹其年司

徒府有二大蛇長十許丈居聽事平椽上而人不知數年

府中屢失小兒及猪犬之属 太康元年四月河南雨雹

傷麦豆 四年十二月河南郡大水 五年正月二龍見

武庫井中以上晉書按孫盛曰龍潛伏幽處非詳至二十八年二逆竊器皆字曰龍 八年三

月熒惑守心通志 七月大雨殿前地陷方五尺深數丈中有

破船 十年洛陽宮西宜秋里石生地中始高三尺如香

爐形後如僂人盤薄不可掘劉向云此白雉也四月崇賢

殿災十月含章鞠室修成堂暉章殿閣廡等俱火

惠帝永熙中狂書兩火没地哀哉秋蘭歸形街郵終為人歎

童謡曰二月末三月初荆筆楊板行詔書宮中大馬幾作

驢按兩火武帝諱蘭楊后字也被廢死葬街郵又元康元

年十二月京都地震按元康及泰安元年地震者七李固以為越陰之職專陽之政是也 三

年閏二月殿前六鍾皆出涕按是時賈后弑楊太后于金墉城 五年四月

夜暴風城東渠波浪殺人十二月有石生于宜年里閏月

武庫火孔子履漢高斬蛇劍王莽頭及二百萬人器械一

時都盡 八年五月郊媒壇中石中破為二此木沴金也

九年洛陽城西北九里石牛在青石跌上忽鳴聲聞四

里石季龍遣人打耳尾釘脚而季龍死六月有桑生東宮

西廂日長尺餘甲辰枯死按班固謂野木生朝而暴其年長小人將暴居大臣之象

洛陽南山有童作聲曰韓尸尸韓謚族象也婦人之飾有

五兵佩又以金銀瑇瑁之屬為斧鉞戈戟以當笄始自宮

中天下化之京洛童謠曰南風起吹白沙遙望魯國何嗟

峨千歲鬪牾生齒牙按南風賈后字也白晉行也沙洛中門太子小字也魯賈謚國也

又謠曰獸從北來鼻頭汗龍從南來登城看水從西來河

灌灌按數月而三王義兵起誅趙王倫成都王在鄴故曰北齊王在許故曰南河開王在關中故曰西又

河南杜錫家葬而婢誤不得出後十年祔葬開塚而婢尚

生自謂再宿耳其年猶十五六也嫁有子太安中童謠曰

五馬游渡江一馬化為龍後五王至江東元帝立 永興

二年十月雷震

懷帝永嘉元年三月洛陽東北步廣里地陷有蒼白二色鵝

出蒼者冲天白者不能飛按孝廉董養曰步廣周之狄泉盟會地也白者金色國之行也

嗣後劉元海石勒相繼為亂三年五月大旱河洛皆可涉 四年五

月大蝗草木牛馬毛皆盡十一月晝昏至庚子 六年二

月神馬鳴南城門其年士大夫競服生箋单衣此總哀服

也也

愍帝建興元年狗與猪交按兵占永北方相交必生害也二年正月朔黑霧

一著人如墨連夜五日乃止 四年六月大蝗已上晉書五行志

成帝咸康四年四月太白晝見在柳通志畧

南北朝

文帝元嘉十二年華林園雌鷄漸化為雉宋書五行志

道武帝登國中河南有帛七卧於河側三月乃去按是時起河南宮道

武頻年居之

大武帝太延四年雨土如霧于洛陽

孝文帝太和二十三年京師地震按魏至文帝十九年遷洛此後書京師皆洛陽也

宣武帝景明三年閏月京師大風拔樹發屋吹折閭闔門關

十二月夜雷九發聲 正始四年八月京師猪生子一頭

四耳兩身八足 永平五年秋七月京師好蚘 延昌元

年十二月京師地震東北有聲 二年春飢死者數萬口

北史魏本紀 四年三月河南八州實霜閏十月京師奈樹花

孝明帝熙平二年春京師有狐魅截人髮人相驚恐 正光

三年四月京師暴風大雨發屋拔樹八月有黑龍如狗南

走至宣陽門躍而上穿門樓下而出魏衰之徵也

孝莊帝永安三年十一月有赤氣如霧從顯揚殿西南角斜

属步廊高一丈許連地如絳紗幔自未至戌不滅時京師

民家妻產男一頭二身四手四脚三耳又平等寺定光金

像每流汗 孝昌二年五月京師暴風吹昌平門扇壞永

寧九層橙折于時天下兵亂 宣武孝明間謠曰狐非狐

貉非貉焦梨狗子齧斷索 以上魏書靈徵志 按此帝西崩之應索謂本索髮焦梨狗子

指宇文泰俗謂之黑獺也 西魏出帝太昌元年六月穀水泛溢壞三

百餘家 靈徵志 後周宣帝大象七年有禿鶯集洛陽宮太極

殿 通志 北齊文宣帝天保八年河南十三州蝗 通志

隋

文帝開皇五年秋八月河南諸州水 隋書本紀 按自五年至仁壽三年水災凡五

見俱有 賑恤

煬帝大業七年秋大水河南漂沒十餘郡民相賣為奴婢 北史

隋本紀 十一年河南有馬生角長數寸童謠曰桃李子鴻鵠

蓮陽山宛轉花木裏莫浪語誰道許 隋書五行志 按其後李密自陽城山而

畔復屯兵苑內莫浪語密也字文化及自號許國 十二年春二月夜有二大鳥

似鵬飛入大業殿止于御幄至明而去夏四月顯揚門灾

按五行志舊名廣陽門帝之姓名也 十三年十一月日光四散如流血 以上

北史隋本紀 末年東都長夏門外數聞鬼哭有呻吟之聲 隋書五行

志 按其後王世充害越王侗於洛陽

恭帝義寧三年新安產嘉禾莖長三尺穗長二尺八寸 通志

唐

高祖武德元年秋王世充隔洛水相拒密營中鼠一夕渡水

盡去占曰邑有兵

太宗貞觀元年新安大饑斗粟千錢通志略十一年七月黃氣

際天大雨穀洛溢入洛陽宮深四尺壞左掖門毀官寺十

九洛水漂六百餘家唐書

高宗龍朔元年十一月洛州貓鼠同處永隆元年九月河

南大水溺者甚衆冬東都饑永淳元年五月東都連日

澍雨乙卯洛水溢壞天津橋及中橋漂居民千餘家九

年七月東都大雨謠曰新禾不入箱新麥不入場迨及八

九月狗吠空垣墻武后垂拱四年八月神都地震長壽

中東都天宮寺泥像皆流汗濛濛

中宗神龍二年二月洛陽城東七里地色如水樹木扞馬歷

歷見影漸移至都月餘乃滅四月辛丑洛水壞天津橋溺
數百人冬不雨至于明年五月河南旱饑其年東都白馬
寺鉄像頭無故自落于殿外

睿宗延和元年六月河南偃師縣李材村有震電入民家地

震裂濶丈餘長十五里深不可測所裂處井厠相通或衝

塚墓柩出平地無損

按李國姓也震電威刑之象地陰類也

元宗先天元年洛陽市牛左脇有人手長一尺或牽之以乞

丐開元三年河南水蝗四年七月洛水溢沉舟數百

艘五年六月鞏縣大水壞城邑損居民數百家八年夏

契丹入寇發卒宿澠池之闕門穀水上夜半山水暴至萬

餘人皆溺死六月興道坊一夕陷為池
 十年五月伊水溢毀東都城東南隅平地深六尺
 十五年八月澗穀溢毀澗池縣
 二十八年六月東都瀝水溺揚楚等州租船洛水壞天津永濟二橋及民居千餘家
 二十七年改作東都明堂訛言官取小兒埋明堂下以為厭勝村野兒童藏于山谷都城騷然以為兵至遣使慰諭久乃止
 二十九年七月伊洛及支川皆溢害稼毀天津橋及東西漕上陽宮仗舍溺千餘人

元宗天寶二年六月東都應天門觀災延燒左右延福門經日不滅
 十三年東都瀝洛溢有巨蛇高丈餘長百尺出

芒山下胡僧無畏見之曰此欲決水瀦洛城即以天竺法

呪之數日蛇死以上唐書有鵲巢車轍中通志 按鵲不巢木而巢地失其所也

代宗廣德二年河南諸州大水通志大歷十年七月太白辰星

合於柳通志

德宗貞元元年春東都河南米斗千錢死者相枕 二年五

月麥將登而霖雨米斗千錢 三年十一月夜東都地震

四年四月河南地生毛 十三年正月東都尚書省火

憲宗元和八年五月大隗出摧水流溺千餘人十月東都大

寒霜厚數寸雀鼠多死 十二年夏河南雨雹人有死者

穆宗長慶元年七月河水去三日止

文宗開成三年河南蝗草木葉皆盡 四年河南黑虫食田

懿宗咸通二年河南不雨 三年河南饑六月東都蝗 四

年閏六月東都暴水白龍門毀定鼎長夏等門漂溺居人

七月東都大水

僖宗乾符二年洛陽建春門暴雨有物墜地如羖羊不食頃

之入地中其迹月餘不滅或以爲雨工也古曰當旱 四

年十月東都聖善寺火 五年洛陽人爲帽皆冠軍士所

冠者又內臣有刻木象頭裝幘頭百官效之工門如市

六年夏鴟雉集于偃師南樓及縣署 按劉向云野鳥入處宮室將空 中和

三年新安縣吏家捕得雉養之與雞馴月餘相與鬪死

廣明元年四月東都有雲起西北大風隨之長夏門表道

古槐樹自拔者十五六宮殿鴟尾皆落雨雹大如杯鳥獸

殪于川澤

昭宗光化三年七月洛州大風拔木發屋唐末京都婦人梳

髮以兩鬢抱面狀如椎髻謂之拋家髻又世俗尙以琉璃

爲釵釧

以上唐書五行志按拋家流離皆播遷之兆

昭宣帝天祐元年七月河南府嘉禾生 通志

五代

莊宗同光二年冬十月左熊威軍將趙暉妻一產三男子 五代

三年七月洛水溢通志

高祖天福四年七月西京水伊洛瀍澗皆溢壞天津橋五代史

宋

太祖建隆元年河南諸州乏食 三年河南孟津春夏不雨

五年河南大霖雨 乾德二年河南府旱甚五月河南

諸州蝗 四年六月太白熒惑合於張 開寶元年河南

府民劉元妻產三男以上宋史五行志

太宗太平興國四年河南府水漲七尺壞民舍 六年七月

河南府蝗 八年六月河南府澍雨洛水漲五丈餘壞鞏

縣官署軍營民舍殆盡穀洛伊瀍四水暴漲壞京城官署

軍營寺觀祠廟民舍萬餘區溺死者以萬計又壞河清縣

豐饒務倉庫軍營民舍百餘區 九年三月甘露降西京

南太乙宮 端拱二年河南旱甚民多饑死 淳化二年

七月河南府洛水漲壞七里鎮國二橋又山水暴漲壞豐

饒官舍民廬死者二百四十人 至道二年河南縣張知

遠家芝艸生判府呂蒙正表上之潁陽縣馮延密牛生三

犢其二額有白六月河南瀍澗洛三水漲壞鎮國橋

真宗大中祥符元年九月鞏縣柴務牡丹華 二年春夏河

南府旱十一月嵩岳產芝草五十本 四年七月河南府

蝗生食苗葉 七年六月河南府洛水漲 八年河南府

民宋再興妻產三男天禧二年八月歲星熒惑合於張

三年嵩山崇福宮獲芝草一百本有重臺連理貫草者

知府馮拯以獻五年四月河南府民田嘉禾合穗知府

王欽若以聞以上宋史

仁宗天聖元年十一月河南府甘露降四年六月河南府

大水七年七月河南府嘉禾合穗嘉祐三年十一月

河南府芝草生

神宗元豐七年永安陵下宮芝生一本十月河南府大內地

生芝草

哲宗紹聖二年十月十一月河南府地震以上宋史

水溢壞廬舍沒田禾

仁宗洪熙元年河南饑

宣宗宣德元年七月河南嵩縣黃汝二水溢按嵩縣有小黃河九年

河南蝗蝻覆地尺許傷禾稼

英宗正統元年七月河南淫雨傷稼七年河南蝗八年

河南自春徂夏不雨十一年河南連月大雨天順六

年河南府縣多旱

代宗景泰三年河南數月不雨六年河南府久雨傷稼

十八年河南府夏秋淫雨塌城垣漂公署壇廟民居傷人

甚多十九年五月河南蝗

憲宗成化元年河南饑 四年河南無麥 十七年河南州縣同日地震

孝宗宏治十四年河南府饑永寧地震有聲

武宗正德十六年河南自正月不雨至于六月

世宗嘉靖二年正月河南地震 七年河南大旱 三十四

年河南地震有聲如雷 三十七年偃師有紫蚩食麥

明史三十九年偃師伊洛泛溢生員喬惟重家雕雞化為雉

四十年夏四月偃師大雨雹 四十一年偃師夏大旱

五月五日偃師雨麻子蕎麥

以上通志

穆宗隆慶二年河南地震 十六年河南饑民相食 二十

二年河南大饑給事中楊明繪饑民圖以進巡按陳登雲進饑民所食雁糞帝覽之動容

神宗萬曆二十三年九月癸巳夜永寧有火光形如屋大隕

于西北 以上明史三十四年二月十四日孟津縣地震山崩 通志

三十九年春河南大雨 明史四十一年河南大水秋洛陽飛

蝗蔽天草木葉一空民間厠竈皆滿 通志四十二年九月河

南地震 四十四年七月河南蝗

熹宗天啟二年二月河南地震 六年六月河南六縣

震 已上明史

懷宗崇正二年洛陽延秋里草木結人馬兵戈之狀

孟津產異草如龍鳳形洛陽鷄鳩至于百成羣夜宿於
數日而絕按鷄鳩大如鴿似雌雉鼠脚無後趾岐尾羣

一年洛陽旱蝗九月養濟院貧婦孫氏年七十餘生鬚鬚

十七日卯時地震從西北起隱隱有聲已上通志十二年河南

大饑人相食嵩縣尤甚明史十三年三月洛陽地震從西北起良久

乃六月日躔柳六度日旁有紫氣按欽天監占書土有七

月洛陽大霧木介占云大人惡洛陽旱蝗以上通志李白成陷

洛時福藩殿基下響如牛吼掘數丈見大古鼎擗之不動

仍掩焉識者謂周公定鼎郊廓埋鼎以鎮正其地也應時

而吼亦天崩地裂之兆歟洛陽志

國朝

世祖章皇帝順治二年孟津縣大有年十月嵩縣杏華 四年

嵩山產芝草 十五年七月洛陽西北境澗水溢 是年

伊洛溢無禾 十六年五月鷄鳩至 是年登封縣西北

山鳴七月洛陽孟津雨雹

聖祖仁皇帝康熙元年宜陽地震 三年八月洛陽北地震

八年五月初三日雨雹大如拳 十三年秋宜陽穀秀雨

岐 是年洛陽旱蝗無禾 十八年洛陽大旱 二十二

年夏六月登封穀秀雨岐 二十七年秋八月偃師嘉禾

生一莖三穗 三十年孟津嵩縣大旱 三十四年四月

初六日河南北地震 三十九年河南大有年 以上通志 五十

九年嵩山建會善寺鑿山得石芝石龍入貢 續府志 六十年

河南旱饑糧停徵 六十一年河南旱饑糧停徵

世宗憲皇帝雍正四年大有年十二月初九日黃河清自陝州

至虞城綿亘千里澄清匝月 六年偃師縣民王喜妻姚

氏壽一百一歲給坊 新安縣民李培元妻王氏一產三

男給米布 以上通志 五年洛陽耕田嘉穀至六穗者五本雙穗

四五十本本郡署西偏庭中自生一禾七穗 續府志

皇帝乾隆元年嵩縣民張見龍一百四歲建坊 三年夏蝗

不入境 七年四月洛陽隕霜損麥 八年七月洛陽孟

津新安旱秋無禾停徵賑濟 九年河南大有年秋禾有

雙穗三穗多至五穗者 九年洛陽縣民任忠信妻溫氏

壽一百八歲 十年洛陽縣民趙美玉妻宋氏壽一百三

歲俱請 旌建坊 十一年偃師甄家莊民胥可信妻劉

氏一百一歲建坊 二十年六月新安大雨如注少水溢

衝決慈澗鎮居民行商多溺死 二十六年七月洛陽等

縣霪雨浹旬伊洛諸水泛濫衝塌壇廟城郭官署村庄田

禾殆盡按成災分數加賑有差錢糧分別蠲免餘緩作三

年帶征 四十二年自去秋不雨至六月河南無麥現將

四十二年二月奉

恩詔普免錢糧輪應在四十五年者移於本年免征又分別
借給籽種口糧

